

# T'xoj Cai Kev Cai



Ua qhov zoo, txhua lub sij hawm.

# Cov Txheej Lus

Tsab Lus tuaj ntawm Tus Thawj Tswj Hauj Lwm Loj (CEO)



## Sam Seeb

Cov tuam txhab coj zoo raug tsim los ntawm cov neeg coj zoo	2
Ua qhov zoo, hais tawm	3
Tam li yog tus thawj coj, ua qauv zoo rau lwm tus	4
Peb txoj kev cog lus	5



## Ua Hauj Lwm Ua Pab Ua Pawg

<b>Peb Yuav Muaj Yeej Ua Ke — Kev Muaj Yeej Yog Peb Teej Tug</b>	
Peb li cuab tam uas muaj txiaj ntsig zoo tshaj plaws	6
Tswj kom tau ua ib qhov chaw ua hauj lwm uas muaj kev sib hwm	7
Tswj kom tau ua ib qhov chaw ua hauj lwm uaj kev nyab xeeb thiab ruaj ntseg	7
Coj kab lij kev cai txog kev nyab xeeb mus tas li	7



## Kev Mob Siab Rau

<b>Peb Saib Tus Neeg Ua Ntej</b>	
Ua kom tus neeg qhua muaj kev ntseeg tus kheej	8
Ua kom peb cov khoom noj muaj kev nyab xeeb	9
Kev tshaj xo tawm yam muaj kev lav ris	9
Pov thaiv peb cov neeg qhua li kev ceev ntiag tug	9
Pov thaiv peb cov neeg ua hauj lwm li kev ceev ntiag tug	10



## Pov Thaiv

### **Peb Saib Xyuas General Mills**

Ua zoo saib xyuas cov ntaub ntawv	11
Ua tib zoo sau cov ntaub ntawv kev sib txuas lus	12
Kev siv koom haum tshaj xov xwm rau sim neej yam tsim nyog	13
Tswj hwm cov ntaub ntawv teev tseg uas ntseeg siab tau	13
Pov thaiv tej khoom cuab tam txog fab kev txawj ntse	13
Sib txuas lus nrog tsoom fwv cov neeg ua hauj lwm kom ua hauj lwm tau zoo	14
Sib tham sawv cev rau lub tuam txhab	14



## Kev Ncaj Ncees

### **Ua Hauj Lwm rau Cov Paj Ntsig Siab Tshaj Plaws ntawm General Mills**

Zam Tsis Pub Muaj Teeb Meem txog Tej Paj Ntsig	15
Lub hwj chim uas tsis tsim nyog kom yus tau txiaj ntsig ntawm tus kheej	15
Kev txais thiab muab khoom plig	17
Txwv tsis pub muab nyiaj qab rooj	18
Paub txog koj cov khub koom ua lag luam ua ke	19
Saib xyuas cov kev sib koom tes kom zoo	19
Sib tw nrog kev meej mom ... thiab sib tw yam ncaj ncees	20
Kev suav sau tej ntaub ntawv hais txog cov neeg sib tw lag luam	21



## Kev Ntseeg Siab

### **Tswj Kom Tau Kev Ncaj Ncees Hauv Lub Tuam Txhab**

Kev saib xyuas kom ncaj ncees rau fab nyiaj txiaj	22
Khaws cov ntaub ntawv teev tseg txog kev lag luam kom raug	22
Tshaj qhia txog peb txoj kev ua tau hauj lwm	23
Kev siv cov peev txheej hauv lub tuam txhab yam tsim nyog	24
Xa cov ntawv tshaj qhia txog kev siv nyiaj	24
Kev muag/yuav khoom lag luam thiab cov ntaub ntawv qiv nyiaj yam raug cai	25

## Ua Qhov Yog, Hais Tawm

26





## Nyob Zoo Txog Npoj Yaig,

Peb muaj cov qauv cai ua tau zoo heev ntawm General Mills — peb li “G” yuav tsum stand for good hauv txhua yam uas peb ua. Tsis muaj qhov twg lawm uas yuav pom tias muaj tseeb tshaj hauv peb cov kev xav tau txog kev coj ua ncaj ncees los ntawm peb cov neeg ua hauj lwm thiab cov khub koom lag luam hauv txhua zeem muag ntawm peb lub lag luam.

Peb paub tias kev ua kom tau kev ntseeg siab yog qhov tseem ceeb los Ua Tej Khoom Noj uas Lub Ntiaj Teb Nyiam Noj. Peb cov neeg siv khoom, cov neeg qhua, cov neeg ua hauj lwm thiab ib tug neeg twg uas muaj kev sib cuam tshuam nrog General Mills yuav tsum muaj peev xwm ntseeg siab tau tias peb yeej ib txwm yuav ua hauj lwm nrog cov qauv cai kev ncaj ncees uas ua tau zoo heev — *tias peb yuav ua qhov yog, txhua lub sij hawm.*


Muaj ntau zaus hauv kev khiav hauj lwm lag luam loj, thoob plaws ntiaj teb thiab muaj ntau yam sib cov pes daws uas cov kev txiav txim siab tsis zoo raws li siab nyiam txog kev ntseeg txog kev coj ncaj tuaj yeem tshwm sim tau, los sis thaum uas tej zaum koj tsis paub tseeb tias yuav ua yam twg. Yog tias koj yeej tau ntsib lub sij hawm zoo li ntawd los dua lawm, kuv xav kom koj rov qab xav thiab nug koj tus kheej seb koj yuav muaj kev xav li cas rau lub tuaj txhab. Nws puas yog qhov yog yuav ua tau? Nws puas zoo raws li peb cov qauv cai kev ncaj ncees? Thiab yog tias koj tsis paub tseeb, kuv vam tias koj yuav thov kev pab.

Txoj Cai Kev Cai no yuav pab kom koj swm nrog cov cai thiab cov qauv cai uas tshab txhais txoj hauv kev puas peb ua lag luam thiab pab kom koj txiav txim siab kom yog-yog. Peb cia siab tias txhua tus neeg ua hauj lwm yuav nyeem thiab nkag siab peb Txoj Cai Kev Cai kom ntseeg tau tias koj cov kev txiav txim siab thiab kev ua hauj lwm hauv txhua hnuv yuav qhia txog cov txiaj ntsig zoo ntawm General Mills yam zoo siab hlo.

Sau npe,

Jeff Harmening  
Tus Thawj Saib Xyuas Hauj Lwm Loj

# Sam Seeb



## Cov tuam txhab coj zoo raug tsim los ntawm cov neeg coj zoo

General Mills lub koob lub npe tam li yog lub tuam txhab uas ua raug cai yuav nce raws li peb txhua leej uas txhawb nqa peb cov txiaj ntsig, peb cov cai thiab txoj kev cai lij choj. Peb ua tau peb lub hom phiaj los ntawm kev tsim kev sib ntseeg siab thiab nrog cov neeg qhua uas peb muab kev pab cuam rau. Koj — thiab tag nrho peb cov neeg ua hauj lwm — nyias muaj nyias lub luag hauj lwm los ua raws li Txoj Cai no, peb cov cai thiab txoj cai lij choj, yuav txiav txim ncaj ncees thiab los pov thaiv peb li kab lij kev cai los ntawm kev qhia txog cov kev txhawj xeeb thaum twg los xij — los sis qhov twg los xij — uas tshwm sim muaj.

## Ua qhov yog, hais tawm

Txoj Cai thiab cov cai no uas nws tsi ntsoov txog yuav pab koj paub txog cov sij hawm uas peb xav kom koj hais tawm los. Peb qhov chaw ua hauj lwm hauv General Mills yog txhua qhov chaw uas koj ua hauj lwm — peb lub hauv paus chaw hauj lwm, cov chaw tsim khoom, koj lub chaw hauj lwm uas koj nyob, lub rooj sib tham nrog tus neeg qhua, cov chaw phiaj yeeg qhaus xab nas khoom lag luam los sis lub rooj sib tham nyob rau lwm qhov chaw nrog koj pab pawg. Peb muab siab rau txoj kab lij kev cai ntawm kev teej tug qhov twg los xij uas peb ua lag luam nrog peb cov neeg qhua, cov neeg siv khoom thiab sawv daws. Yog tias koj tus kheej nyob rau hauv qhov xwm txheej uas pom tias tsis muaj kev txhawb nqa peb qhov txiaj ntsig kev ua qhov yog, txhua lub sij hawm, thov qhia rau peb paub. Nrog peb tus thawj tswj xyuas hauj lwm los sis Feem Saib Xyuas Neeg Ua Hauj Lwm tham, los sis tiv tauj Tus Xov Tooj Qhia Txog Kev Ncaj Ncees tau thaum uas:



- Koj xav tau lus tawm tswv yim.
- Koj tsis paub tias yuav ua li cas thiaj li yog.
- Koj ntseeg tias muaj qee tus neeg tau ua txhaum txoj cai lij choj, peb cov cai los sis Txoj Cai no.
- Koj ntseeg tias qee leej tau ua tej yam tsis ncaj ncees lawm.
- Tej zaum koj tau muaj feem cuam tshuam nyob rau hauv kev ua tsis zoo lawm.

# Hais Tawm

Ua **Qhov Yog**  
Txhua Lub Sij  
Hawm

 **Nyeem txoj cai:** Kev Ua Raws Li Txoj Cai Kev Coj Ua, Txoj Cai thiab Txoj Cai Lij Choj

## Tam li yog tus thawj coj, ua qauv zoo rau lwm tus

Tam li yog tus thawj coj, ua ke nrog txhua tus thawj coj ntawm General Mills, ua qhov zoo xwb. Peb cia siab ntsoov tias yuav qhia rau lwm tus txog txoj hauv kev ua qhov zoo. Peb yog lub tuam txhab ua loj thoob ntiaj teb ua hauj lwm hauv chaw ib puag ncig kev lag luam uas muaj kev hloov pauv tas mus li, thiab peb paub tias koj yuav muaj lus nug hais txog qhov yog uas yuav ua tau — tshwj xeeb mas yog tias koj yog tus thawj coj. Koj kuj tseem paub tias tej zaum cov lus teb kuj yuav tsis teb tau meej raws li qhov uas koj cia siab rau tas li. Peb vam tia koj yuav nug cov lus nug yog tias koj tsis paub meej, thiab hais tawm txog cov kev txhawj xeeb. Peb cia siab tias koj yuav txhawb nqa lwm tus neeg uas hais tawm los, ib yam nkaus thiab. Ntawm no yog lwm yam ntxiv uas koj yuav tsum tau ua:

- Yuav tsum paub ntawm koj kheej. Cov neeg ua hauj lwm yuav tos ntsoov koj cov lus taw qhia. Qhia kom pom tias kev ua hauj lwm nrog kev ncaj ncees txhais tau li cas.
- Teej tug ntawm kev muaj yeej los ntawm kev tsim chaw ib puag ncug uas ua rau neeg xav tuaj koom tes nrog thiab muaj cov kev sib tham raws li qhov tseeb.
- Pab cov neeg uas koj saib xyuas kom nkag siab thiab ua raws li General Mills cov cai thiab cov kev xav tau. Ceeb toom cov neeg ua hauj lwm kom hais tawm yog tias lawv xav tau kev pab.
- Kom paub txog thiab faib qhia cov peev txheej kev pab uas muaj thaum txheeb xyuas tau cov teeb meem lawm.
- Ua tib zoo mloog. Txhawb nqa cov neeg ua hauj lwm uas nug cov lus nug los sis tham txog cov kev txhawj xeeb.
- Tshaj qhia txog cov yam ntxwv kev tsis ua raws txoj kev cai lij choj, peb cov cai los sis Txoj Cai no.





## Peb txoj kev cog lus

Ua qhov yog txhua lub sij hawm yuav siv txoj hauj lwm thiab lub tuam txhab txoj kev mob siab rau los hais daws cov teeb meem thaum tshwm sim muaj los. Yuav siv lub peev xwm los tshaj qhia txog tej dej num los sis kev txiaj txim siab uas yog, los sis muaj kev tshwm sim ntawm kev, qhov tsis sib thooj rau peb cov txiaj ntsig. Hauv qhov xwm txheej zoo li no, peb yuav txhawb nqa koj. Peb yuav mloog koj cov kev txhawj xeeb thiab nqis tes los hais daws. Thiab General Mills yuav tsis ua pauj — los sis tso cai kom muaj kev ua pauj — tawm tsam ib tug neeg ua hauj lwm twg txog kev tshaj qhia cov kev txhawj xeeb ntsig txog fab kev coj raug cai los sis cai lij choj los sis kev koom tes hauv kev soj qab taug lwm ntawm lub tuam txhab. Yog tias koj ntseeg tias koj los sis ib tug neeg twg tau raug rau tus cwj pwm kev ua pauj, koj yuav tsum tshaj qhia kiag tam sim ntawd rau koj tus thawj tswj xyuas hauj lwm, koj tus neeg sawv cev ntawm Feem Saib Xyuas Neeg Ua Hauj Lwm, rau Kev Coj Raws Txoj Cai thiab Kev Ua Raws Li Txoj Cai los sis mus rau Tus Xov Tooj Qhia Txog Kev Ncaj Ncees.

## Ua tau qhov yog lawm yog tias koj tuaj yeem teb tau tias “yog” rau cov nqe lus nug no:

- Kuv puas yog tus neeg ncaj ncees thiab qhia qhov tseeb?
- Nws puas raug kev cai lij choj thiab raug raws li lub tuam txhab txoj cai?
- Kuv puas tab tom ua hauj lwm raws li cov txiaj ntsig zoo tshaj plaws ntawm lub tuam txhab thiab peb cov neeg koom tes lag luam?
- Kuv puas yuav zoo siab los qhia rau qee tus neeg tias kuv saib siab txog nws?
- Kuv puas kaj siab uas pom lawv muab tshaj tawm rau hauv xov xwm?
- Nws puas yuav pov thaiv General Mills lub koob lub npe tam li yog lub tuam txhab uas muaj meej mom?


YOG



## Tshawb nrhiav saib

Koj tuaj yeem nrhiav tau lub tuam txhab cov cai hauv Lub Chaw Muab Kev Pab Cuam Txog Txoj Cai hauv Lub Nev Vawj Kev Muaj Yeej. Tuaj yeem nrhiav tau cov qauv cai ntsig txog Feem Saib Xyuas Neeg Ua Hauj Lwm hauv G&Me los sis tiv tauj HR Direct tau.

# Ua Hauj Lwm Ua Pab ▶ Ua Pawg



## PEB MUAJ YEEJ UA KE – KEV MUAJ YEEJ YOG PEB LI TEEJ TUG

### Peb li cuab tam uas muaj txiaj ntsig zoo tshaj plaws

Peb ntshaw kom peb ua tau ib tug tswv hauj lwm thoob ntiaj teb uas neeg xaiv. Peb muab tau cov nyiaj hli thiab cov txiaj ntsig nyiaj pab zoo, muab qhov chaw ib puag ncig kev ua hauj lwm uas muaj kev nyab xeeb, saib haiv neeg muaj nqis thiab txhawb siab rau kom muaj kev ua hauj lwm/lub neej muaj qhov sib xwm yeem zoo. Peb lub lag luam txoj kev huaj vam muaj kev sib txuas rau koj txoj kev xav uas muaj hwj chim hauv kev pib thiab ua kom lawv pom koj li lus tawm tswv yim. Peb zoo siab txog peb txoj kev coj ncaj zoo heev thiab kev sam seeb. Qhov twg los xij hauv General Mills uas koj yuav ua hauj lwm, peb siv zog los tsim txoj kev xav ntawm kev sib ntseeg siab thiab kev sib hwm ua ke.

### Lub zog los ntawm ntau haiv neeg

General Mills saib muaj nqis txog ntau cov hauv kev uas tib neeg zoo sib txawv, suav nrog qhov yog poj niam los txiv neej, hnuv nyoog, haiv neeg, xam xaj, lub peev xwm, kev kawm, kev nyiam rau fab kev sib daj sib deev, kev ntseeg kev cai dab qhuas, kev ua neej thiab pab pawg kas moos. Txhua hnuv, peb pom tau lub hwj chim ntawm cov zeem muag sib txawv nyob ntawm chaw hauj lwm. Cov neeg ua hauj lwm uas ua yoog raws li peb li kev muab siab rau txoj kab lij kev cai kev xam sawv daws ua rau lwm tus neeg hnov tias muaj kev txais tos zoo, ris txiaj ntsig thiab thov ua tsaug thiab sib hwm.

✦ **Nyeem txoj cai:** Equal Employment Opportunity – U.S.  
Harassment-Free Workplace  
Hiring Practices – U.S.



## Tswj kom tau ua ib qhov chaw ua hauj lwm uas muaj kev sib hwm

Peb yuav saib txhua tus neeg ua hauj lwm txoj kev muaj feem xyuam muaj nqis. Peb yeej muab siab rau los muab qhov chaw ua hauj lwm uas txhawb nqa tus neeg ua hauj lwm uas yog ntau haiv neeg cov kev xav tau. Qhov twg los xij uas peb ua lag luam, peb ua raws li cov qauv cai nqi zog thiab sij hawm ua hauj lwm, cov lus taw qhia txog kev nyab xeeb, kev cai lij choj uas txwv kev ntxub ntxaug thiab kev ua phem, thiab cov cai ntawm lub hwm tsam kev ntiav hauj lwm siab npaug zog. Yog tias koj muaj kev txhawj xeeb txog kev ntxub ntxaug, kev ua phem los sis lwm yam kev ua tsis raug kev cai lij choj, tham nrog koj tus thawj tswj xyuas hauj lwm los sis Feem Saib Xyuas Neeg Ua Hauj Lwm, los sis tiv tauj Kev Coj Raws Txoj Cai thiab Kev Ua Raws Li Txoj Cai los sis Tus Xov Tooj Qhia Txog Kev Ncaj Ncees. Peb yuav soj qab taug lw kom sai thiab teb raws qhov kev tsim nyog. Peb txwv tsis pub muaj kev ua pauj rau ib tug neeg ua hauj lwm twg uas tawm los hais txog kev txhawj xeeb los sis los hais txog kev tsis txaus siab. Yog tias koj xoom xaim txog kev ua pauj, tham nrog koj tus thawj tswj xyuas hauj lwm los sis Feem Saib Xyuas Neeg Ua Hauj Lwm, los sis tiv tauj Kev Coj Raws Txoj Cai thiab Kev Ua Raws Li Txoj Cai los sis Tus Xov Tooj Qhia Txog Kev Ncaj Ncees.

 **Nyeem txoj cai:** Harassment Free Workplace Policy

## Tswj kom tau ua ib qhov chaw ua hauj lwm muaj kev nyab xeeb thiab ruaj ntseg

Peb txwv tus cwj pwm uas saib tsis taus tus neeg ua hauj lwm txoj kev nyab xeeb, suav nrog kev ua los sis kev hem thawj txog kev ua phem los sis lwm hom kev hem thawj. Peb kuj tseem txwv tsis pub muaj riam phom los sis phom ub no hauv peb lub vaj tse tuam txhab, raws li kev cai lij choj tso cai. Yog tias koj xav tias muaj kev hais lus hem thawj los sis saib pom txog tus cwj pom kev hais lus hem thawj cia li tshaj qhia txog qhov xwm txheej ntawm rau koj tus thawj tswj xyuas hauj lwm, Feem Saib Xyuas Neeg Ua Hauj Lwm los sis Kev Ruaj Ntseg Thoob Plaws kiag tam sim ntawd.

 **Nyeem txoj cai:** Violence-Free Workplace  
Weapons-Free Workplace

## Kev saib xyuas txoj kab lij kev cai ntawm kev nyab xeeb


Peb saib koj txoj kev nyab xeeb muaj nqis. Peb kuj saib txog kev pov thaiv chaw ib puag ncig muaj nqis thiab. Peb cov thawj coj muaj kev sib koom tes thiab muab siab rau kev tso qis peb cov kev pheej hmoo rau fab chaw ib puag ncig thiab kev nyab xeeb yam tsis tu ncuu los ntawm kev kawm paub, kev tawm tswv yim tshiab thiab nqis tes ua cov kev tswj. Peb ua tau li no los ntawm kev mloog peb cov neeg thiab hais daws thiab tso qis cov kev phom sij ntawm chaw ua hauj lwm thiab tso qis cov kev cuam tshuam rau chaw ib puag ncig yam tsis tu ncuu. Peb cov chaw ua hauj lwm thoob plaws ntiav teb tswj xyuas cov txheej txheem uas txhij txhua los pov thaiv tus neeg ua hauj lwm txoj kev nyab xeeb thiab tiv thaiv cov xwm txheej uas tshwm sim hauv chaw ib puag ncig. Txhuav qhov chaw kuj muaj cov phiaj xwm los teb yam tsim nyog rau cov kev tshwm sim xwm txheej ceev.

Yog tias koj muaj kev txhawj xeeb txog kev nyab xeeb los sis chaw ib puag ncig, tshaj qhia mus rau cov thawj tswj hwm lub chaw ua hauj lwm kiag tam sim ntawd. Koj muaj cai tsis kam ua hauj lwm rau qhov uas koj tsis tau txais kev cob qhia yam tsim nyog, los sis tias koj pom tau tias muaj kev phom sij rau koj txoj kev nyab xeeb ntiag tug los sis chaw ib puag ncig.

 **Nyeem txoj cai:** Kev Nyab Xeeb Ntawm Cov Neeg Ua Hauj Lwm thiab Kev Tiv Thaiv Ib Puag Ncig



# Kev Mob Siab Rau ▶



## PEB SAIB TUS NEEG UA NTEJ

### Ua kom tus neeg qhua muaj kev ntseeg tus kheej

Thoob plaws ntiaj teb, cov neeg siv khoom xaiv General Mills cov npe lag luam vim lawv qhov ua tau zoo tsim nyog, qhov yooj yim thiab ua tau zoo dua lwm tus. Hauv cov khw muag zaub, lub khw muag khoom loj heev, cov khw muag khoom yuav tau yooj yim, cov tsev kawm ntawv, cov tsev kawm ntawv txuj siab, cov tsev kho mob, cov tsev noj mov, cov tsev tos qhua loj, cov chaw hauv online thiab txhua qhov chaw uas cov neeg siv khoom ua lawv lub neej, lawv ntseeg siab rau thiab cia siab rau peb cov khoom lag luam. Peb yuav tsum pov thaiv peb cov npe lag luam thiab hwm cov npe lag luam thiab cov lag luam ntawm lwm qhov chaw. Tsis txhob txiav txim siab uas yuav saib tsis taus kev ntseeg siab uas cov neeg siv khoom muaj rau peb. Peb tau txais lawv txoj kev ntseeg siab nrog txhua qhov kev ua hauj lwm, txhua qhov kev txiav txim siab, txhua hnuv.

### G Stands for Good tom chaw hauj lwm thiab tom tsev


Peb zoo siab txog kev ua tau khoom noj uas neeg ntiaj teb nyiaj noj. Yog tias koj paub los lawm tias ib tug tswv cuab hauv tsev neeg, phooj ywg los sis tus neeg sib paub tau ntsib qhov teeb meem nrog peb cov khoom lag luam, xa lawv mus rau Chaw Saib Xyuas Tus Neeg Siv Khoom Thoob Ntiaj Teb tau ntawm [contactus.generalmills.com](https://contactus.generalmills.com) los sis hais txog khoom pub tsiaj yug, tiv tauj [bluebuffalo.com/about/contact](https://bluebuffalo.com/about/contact).

## Khaws peb tej khoom noj kom nyab xeeb

Cov neeg siv khoom ntseeg peb los ua kom paub tseeb tias peb cov khoom lag luam muaj kev nyab xeeb. Peb txhua leej muaj cov tes hauj lwm yuav tsum tau ua ntawm tus kheej los tswj xyuas cov qauv cai kom nruj txog cov khoom lag luam uas muaj qhov zoo tsim nyog uas peb tsim los. Yog tias koj muaj cov kev txhawj xeeb twg los sis pom muaj ib yam dab tsi txawv txav uas tuaj yeem cuam tshuam tsis zoo rau kev nyab xeeb los sis kev ua tau zoo tsim nyog ntawm peb cov khoom lag luam, ces qhia rau koj tus thawj tswj xyuas hauj lwm kiag tam sim ntawd. Nyob ua ke, peb tau txais cov neeg siv khoom li kev ntseeg siab; nyob ua ke, peb yuav tsum tswj tau xwb.

### Kev ruaj khov thiab chaw ib puag ncig

Peb ntseeg tias txoj hauv kev uas peb ua lag luam yuav tsum qhia tias peb yog leej twg, tag nrho li yog lub tuam txhab thiab li yog cov neeg uas ua hauj lwm nyob rau ntawm no. Peb mob siab rau hais txog qhov uas peb cog peb cov khoom sib xyaws li cas, qhov kev cuam tshuam uas lawv ua tau rau chaw ib puag ncig thiab lub neej ntawm cov tib neeg uas cog — nws yog txhua feem ntawm kev tsim khoom noj uas neeg ntiag teb nyiam noj. Peb muab siab rau kev saib xyuas lub ntiag teb nrog kev muab siab rau, tag nrho hauv peb cov kev ua hauj lwm kiag thiab thoob plaws peb cov chaw ua hauj lwm uas muaj txiaj ntsig zoog ntawd. Nws yog qhov zoo yuav tsum tau ua rau lub ntiag teb thiab yog qhov zoo yuav tsum tau ua rau peb lub lag luam. Hais txog peb txoj kev muab siab rau ntau ntxiv txog kev saib xyuas lub ntiag teb nrog kev muab siab rau, mus saib hauv Daim Ntawv Tshaj Qhia Lub Luag Hauj Lwm Thoob Plaws tau ntawm [globalresponsibility.generalmills.com](http://globalresponsibility.generalmills.com).

 **Nyeem txoj cai:** Txoj Kev Nyab Xeeb Ntawm Cov Zauv Mov thiab Cov Cai


## Kev tshaj xo tawm yam muaj kev lav ris

General Mills muab siab rau kev tswj hwm cov qauv cai siab tshaj plaws txog kev tshaj xo tawm thiab kev lag luam yam muaj kev lav ris. Cov cai kev lag luam uas ua tau zoo tswj hwm peb cov kev ua hauj lwm. Peb nthuav qhia peb cov khoom lag luam raws qhov tseeb, muaj kev lav ris thiab muaj qhov kev nyiam uas tsim nyog. Peb yeej ua tib zoo saib tshwj xeeb nrog kev tshaj xo tawm uas tsom rau cov me nyuam yaus uas muaj hnuv nyooq qis dua 13 xyoos. Peb tsuas tshaj xo tawm txog cov khoom lag luam uas muaj khoom noj zoo rau lub cev ntau xwb thiab txhawb nqa kev ua neej kom muaj kev xwm yeem, tsis ntau tsis tsawg thiab kev tawm dag zog. Sab laj txog peb cov cai Kev Tshaj Lag Luam Dav Thoob Plaws thiab Kev Tshaj Lag Luam Txog Me Nyuam Yaus Thoob Plaws thaum uas koj txhim kho koj cov khoos kas kev tshaj xo tawm. Yog tias koj muaj lus nug, tiv tauj General Mills Pab Pawg Kws Muab Kev Sab Laj Txog Fab Kev Tshaj Lag Luam Uas Muaj Kev Lav Ris.

 **Nyeem txoj cai:** Cov Kev Coj Ua Rau Kev Tshaj Tawm thiab Lwm Yam Kev Thov Rau Kev Tshaj Tawm Rau Pej Xeem

## Kev pov thaiv peb cov neeg siv khoom kev ceev ntiag tug

Peb muab siab rau tus neeg siv khoom cov kev txhawj xeeb hais txog txoj hauv kev uas peb sau, siv thiab khaws lawv cov ntaub ntawv ntawm tus kheej. Peb muab siab rau kom tau txais thiab tswj hwm tus neeg siv khoom txoj kev ntseeg siab los ntawm kev ua hauj lwm yam muaj kev lav ris thiab muaj kev ncaj ncees nrog lawv cov ntaub ntawv qhia paub. Thaum sau cov ntaub ntawv ntawm tus kheej, peb tsom rau los muab cov ntaub ntawv qhia paub meej thiab muaj txiaj ntsig zoo rau cov neeg siv khoom los pab lawv kom nkag siab txog txoj hauv kev uas peb npaj siv thiab khaws cov ntaub ntawv ntawd. Tag nrho cov neeg ua hauj lwm yuav tsum ua raws nrog cov kev cai lij choj fab kev ceev ntiag tug thiab kev pov thaiv ntaub ntawv thoob ntiag teb. Tus neeg ua hauj lwm twg uas muaj feem cuam tshuam nrog tus neeg siv khoom cov ntaub ntawv yuav tsum tswj hwm cov kev tiv thaiv uas muab tsim los pov thaiv qhov ntaub ntawv ntawd thiab tswj kev nkag cuag tau rau nws yam tsis tau kev tso cai ntawd.

 **Nyeem txoj cai:** Global General Marketing Policy

## Kev pov thaiv peb cov neeg ua hauj lwm kev ceev ntiag tug

Peb muab siab rau hais txog kev pov thaiv koj cov ntaub ntawv qhia paub txog tus kheej. Tsuas zoo ib yam nkaus li peb cov neeg siv khoom, peb muab siab rau kom tau txais thiab tswj tau tus neeg ua hauj lwm txoj kev ntseeg siab los ntawm kev ua hauj lwm yam muaj kev lav ris thiab yam ncaj ncees nrog koj cov ntaub ntawv qhia paub txog tus kheej. Qhov twg los xij uas peb ua lag luam, tag nrho cov neeg ua hauj lwm yuav tsum ua raws txoj kev cai lij choj uas tswj hwm tus neeg ua hauj lwm tej ntaub ntawv qhia paub txog tus kheej. Siv cov qauv cai no los ua koj cov lus qhia:

- Khaws tus neeg ua hauj lwm tej ntaub ntawv qhia paub txog tus kheej kom raug thiab kom tshiab.
- Txwv kev sau, xa tawm thiab nthuav tawm txog tej ntaub ntawv qhia paub txog tus kheej raws li tau teev tseg hauv peb cov cai.
- Nkag rau cov ntaub ntawv tus kheej rau cov hom phiaj kev lag luam uas raug kev cai lij choj nkaus xwb.
- Tiv thaiv tej ntaub ntawv qhia paub txog tus kheej thiab ua raws li cov cai kev khaws tseg thiab kev rhuav tshem uas tau tsim muaj.
- Teb cov lus nug los sis cov kev txhawj xeeb uas hais txog los ntawm cov neeg ua hauj lwm kom saib hais txog cov ntaub ntawv qhia paub txog tus kheej.

✦ **Nyeem txoj cai:** Employee Data Privacy Standard



## Kev Ceev Ntiag Txog Ntaub Ntawv Ntawm Tus Neeg Ua Hauj Lwm

Sim xav seb: koj tau txais ib tsab xov tooj hu sab nraud ntawm lub tuam txhab tuaj nug txog koj cov neeg ua hauj lwm hnuv pib ua hauj lwm, txoj hauj lwm thiab cov nyiaj hli hauv paus. Nws qhia rau koj tias nws ua hauj lwm nrog Feem Saib Xyuas Neeg Ua Hauj Lwm txog lub khoos kas muab kev sib piv thiab thov kom muab sai-sai. Koj yuav tsum ua li cas?

Tiv tauj HR Direct. Cov ntaub ntawv qhia paub hais txog peb cov neeg ua hauj lwm yog ntaub ntawv tsis qhia rau lwm tus paub thiab tsuas muab tau rau cov neeg uas tau txais kev tso cai muab tau cov ntaub ntawv qhia paub no xwb. Tsis txhob muab hom ntaub ntawv qhia paub no kiag li tshwj tsis yog tias koj yeem paub tseeb tias nws tsim nyog lawm.

## Kev Ceev Ntiag Tug Hauv Chaw Hauj Lwm

Yog tias koj tab tom siv lub tuam txhab cov nev vawj los sis cov lab npaov — tsis hais yuav yog rau fab twg ntawm lub cuab yeej twg — koj yuav tsum paub tias cov ntaub ntawv uas koj xa los sis tau txais los tsis xam tias yog ntaub ntawv ntiag tug. General Mills saib xyuas kev siv lub tuam txhab cov nev vawj thiab cov lab npaov kom raws nraim li txoj cai lij choj. Peb muaj cai yuav rub tawm, luam tawm, tshuaj xyuas, theej los sis nthuav tawm tej ntaub ntawv qhia paub no thaum twg los tau thiab tsis tas muaj ntawv ceeb toom qhia paub li.

❓ **Puas muaj lus nug?** Tham nrog koj tus thawj tswj xyuas hauj lwm los sis Feem Saib Xyuas Neeg Ua Hauj Lwm.

# Pov Thaiiv



## Peb Saib Xyuas General Mills


### Ua zoo saib xyuas cov ntaub ntawv

Ceev faj thiab xav kom thoob thaum faib qhia lub tuam txhab tej ntaub ntawv uas tsis pub lwm tus paub ua daim ntawv — suav nrog cov email — thiab thaum muaj kev sib tham ntiag tug ntawd. Ceev faj kev thov tej ntaub ntawv tuaj ntawm cov chaw los sis cov email uas yus tsis paub zoo uas thov kom koj qhib txoj kab txuas los sis tej ntawv rhais nrog tuaj ntawd. Yog tias koj tsis paub meej txog tus neeg xa tuaj, tsis txhob muab ib qho twg tnawm koj cov phav xab vawj siv hauv General Mills los sis lwm cov ntaub ntawv pov thawj ntiag tug rau li. Tej zaum qhov kev thov yuav yog kev sim kom nkag tau rau lub tuam txhab tej ntaub ntawv tsis pub lwm tus paub los sis nkag rau peb lub nev vawj. Yuav tsum saib tej chaw nyob ib puag ncig thaum uas tham xov tooj los sis hauv qhov chaw uas muaj neeg coob. Yog tias koj yuav tsum tau xa lub tuam txhab tej ntaub ntawv tsis pub lwm tus paub mus rau ib tug neeg twg nyob sab nraud ntawm General Mills, chiv thawj yuav tsum ua kom paub tseeb tias tau kev tso cai muab faib qhia tso. Tom qab ntawd, ua kom paub tseeb tias koj muaj kev sib pom zoo txog tej ntaub ntawv tsis pub lwm tus paub nrog tus neeg uas tau txais tej ntaub ntawv no.

#### Ntaub ntawv tsis pub lwm tus paub yog dab tsi?

Yog tias koj tuaj yeem teb tau “yog” rau cov nqe lus nug hauv qab no, cov ntaub ntawv qhia paub no yog ntaub ntawv tsis pub lwm tus paub thiab yuav tsum pov thaiv kom zoo.

- Puas yog cov ntaub ntawv tsis pub cov neeg sab nraud ntawm lub tuam txhab paub?
- General Mills puas yuav muaj qhov tsis zoo los sis raug kev phom sij yog tias lwm tus neeg tau paub txog cov ntaub ntawv no?
- Koj lub khoos kas puas yuav poob rau hauv qhov kev phom sij yog tias tej ntaub ntawv no tsis yog hom tsis pub lwm tus paub lawm?

 **Nyeem txoj cai:** Kev Tiv thaiv Tuam Txhab Cov Ntaub Ntawv thiab Kev Sib Txuas Lus Sab Nraud Ntaub Ntawv Qhia Paub thiab Kev Tswj Xyuas Ntaub Ntawv

## Ua tib zoo sau cov ntaub ntawv kev sib txuas lus

Kev txhawb kom ua tau raws li lub sij hawm qee zaus kuj yuav ua rau muaj cov kev sib txuas lus uas maj rawm uas muaj tej ntaub ntawv los sis cov lus tawm tswv yim uas tsis tsim nyog. Kav tsij siv sij hawm los npaj tag nrho cov ntaub ntawv thiab ntaub ntawv sib txuas lus hauv es lev thos niv kom txhij txhua thiab tshuaj xyuas kom thooob, suav nrog cov email, cov kev tshaj tawm hauv social media, cov ntawv teev lus, cov tsab ntawv, cov kev nthuav qhia ua PowerPoint, lus sau los sis cov ntawv sau sib tham sai-sai, cov ntawv sau cim tseg ntawm txhais tes thiab cov tsab lus kaw ua suab. Ua raws li cov lus qhia no:

- Siv kev muab siab rau los saib xyuas cov ntaub ntawv tsis pub lwm tus paub no.
- Kom paub tseeb, raug thiab hais lub ntsiab kiag xwb. Saib qhov tseeb xwb. Tsis txhob hais tshaj qhov muaj los sis hais tshaj qhov tseeb.
- Tsis txhob tsim cov ntaub ntawv kev sib txuas lus uas muaj kev hem thawj, soj qab los sis saib tsis taus.
- Tsis txhob saib tsis taus tus neeg sib twv, cov neeg qhua, cov neeg xa khoom, lub tuam txhab los sis lwm cov neeg ua hauj lwm.
- Tsis txhob lam tau lam hais los sis muab lus tawm tswv yim hais txog kev ua hauj lwm rau fab kev cai lij choj los sis hauv kev lag luam.
- Zam kom tau cov lus uas yuav ua rau nkag siab yuam kev tias tsis tsim nyog los sis tsis ncaj ncees lawm.
- Zam tsis txhob hais cov ncauj lus uas mob siab los sis tsis pub lwm tus paub. Hu xov tooj los sis tuaj ntsib kiag los sis hauv xov tooj uas tsis yog kev sib tham hauv daim ntawv.
- Yog tias koj tsim daim ntawv uas tuaj yeem ua rau nkag siab yuam kev yam tsis tau txhob txwm, rov sau daim ntawv thib ob los mus qhia meej txog daim xub thawj ntawd.



Ua ntej koj yuav xa tsab email sab hauv tuam txhab mus rau ib tug neeg twg nyob saib nraud ntawm General Mills ...

... kom paub tias cov tsab email nyob sab hauv tuam txhab tuaj yeem muaj cov ntaub ntawv tsis pub lwm tus paub los sis nkag cuag tau yooj yim uas yuav tsum tsis txhob tso tawm ntawm tuam txhab. Ua tib zoo saib txog cov tsab email uas sib tham ntau zaus — tej zaum yuav muaj lub tuam txhab cov ntaub ntawv qhia paub uas tsis pub lwm tus paub nyob rau hauv cov kev sib tham. Nco ntsoov tias cov email yuav raug xa txuas mus rau cov neeg txais uas yog hom phiaj tau yooj yim heev. Nyob hauv qee cov xwm txheej, tej zaum nws yuav tau txais kev tso cai kom xa lub tuam txhab cov ntaub ntawv tsis pub lwm tus paub no mus rau cov neeg nyob sab nraud. Yeej ua kom paub meej tias muaj kev sib pom zoo yam tsim nyog txog tej ntaub ntawv tsis pub lwm tus paub no lawm.

Peb cov ntaub ntawv sib txuas lus ua ntawv no yuav tsum raug thiab muab tau kev txaus siab uas tsim nyog. Yog tias koj muaj cov kev txhawj xeeb hais txog lub ntsiab lus ntawm tsab email, hu rau tus sau thiab sib tham txog koj cov kev txhawj xeeb. Ces koj (los sis tus tswv xa tsab ntawv) yuav tsum xa tsab email thib ob los qhia meej txog lub hom phiaj ntawm tsab email xub thawj ntawd. Tsuas muab tsab email uas muaj teeb meem ntawd lwm pov tseg xwb yeej tseem tsis tau txaus. Cov email uas muab lwm tawm lawm feem ntau yeej rov muab rub tawm los tau dua, thiab yog qhov tseem ceeb yog kho kom qhov kev nkag siab yuam kev uas yuav tshwm sim ntawd kom raug.

## Kev siv koom haum tshaj xov xwm rau sim neej yam tsim nyog

Peb txhua leej siv social media — tom chaw hauj lwm, tom tsev thiab thaum taug kev. General Mills siv social media los sib tham nrog peb cov neeg siv khoom, cov khub koom ua lag luam ua ke thiab sib tham mus los. Cov sam thiaj hauv social media tuaj yeem yog cov khoom siv uas muaj peev xwm heev rau kev qhia txog tus kheej, xws li kev ua qauv qhia txog kev zoo siab rau hauv peb lub tuam txhab thiab cov khoom lag luam. Tab sis yog tias social media tsis tau txais kev ua tib zoo saib xyuas, qhov nws yooj yim, sai thiab siv tau zoo tuaj yeem ua rau General Mills muaj kev pheej hmoo tau. Peb cia siab tias koj yuav siv koj cov as khauj hauv social media ntawm tus kheej yam muaj kev lav ris uas tsis nthuav qhia txog lub tuam txhab cov ntaub ntawv tsis pub lwm tus paub, ua rau General Mills muaj kev lav ris rau lub koob lub npe los sis fab kev cai lij choj, los sis hais ua lwm yam muaj kev phom sij rau General Mills los sis lwm tus neeg. Tsis txhob nthuav qhia los sis tham sawv cev rau General Mills hauv koj cov as khauj social media ntawm tus kheej li. Yog tias koj yog tus saib xyuas General Mills tus as khauj social media, los sis yog tias koj tau txais kev tso cai tshaj tawm txog kev sawv cev rau lub tuam txhab, ua kom paub tseeb tias tej dej num hauv social media raug raws li kev cai lij choj thiab tau txais kev pom zoo yam tsim nyog lawm, thiab tias cov kev tshaj tawm twg los ntawm lub tuam txhab muaj kev lav ris thiab muaj kev sib hwm rau lwm tus neeg.

### **Cov qauv piv txwv txog tej ntaub ntawv uas tuaj yeem qhia tawm txog lub tuam txhab cov ntaub ntawv tsis pub lwm tus paub thiab yuav tsum tsis txhob muab tshaj tawm rau hauv social media suav muaj:**

- Cov hom phiaj kev tshaj tawm lag luam yuav ua rau tom ntej no.
- Cov kev txhim kho khoom lag luam tshiab.
- Kev hais txog tsis raws cai txog koj txoj hauj lwm los sis cov phiaj xwm kev taug kev mus hauj lwm.
- Cov kev xav txog lub tuam txhab txoj kev ua hauj lwm.

Puas zoo siab hais txog qhov khoom lag luam tshiab uas muab muag hauv khw lawm thiab xav faib qhia mus rau cov phooj ywg hauv social media? Qhov ntawd kuj zoo heev li! Tsuas ua kom paub tseeb tias koj cov lus tawm tswv yim txog qhov khoom lag luam ntawd muaj qhov tseeb thiab ua kom paub meej hauv koj qhov kev tshaj tawm tias koj ua hauj lwm rau General Mills. Piv txwv li, koj tuaj yeem hais tau tias, “Zoo siab heev uas tau pom cov khoom lag luam tshiab no muag hauv lub khw lawm! Ua tsaug rau pab pawg neeg ua hauj lwm uas tau pab ua kom qhov no tshwm sim tau. #iwork4generalmills”

## Tswj hwm cov ntaub ntawv teev tseg uas ntseeg siab tau

Teev tseg ua pov thawj txog peb cov dej num kev lag luam hauv txhua hnub. Saib xyuas los tsim thiab tswj hwm cov ntaub ntawv teev tseg uas ntseeg siab tau. Ua kom paub tseeb tias tag nrho cov ntawv tshaj qhia, cov ntawv qhia txog fab nyiaj txiag, cov ntaub ntawv teev tseg txog fab kev cai lij choj thiab lwm yam kev lag luam raug lawm. Paub txog yam yuav khaws cia, yam yuav muab pov tseg thiab txoj hauv kev yuav muab pov tseg uas yuav ua rau muaj kev ua hauj lwm tau zoo, txuag tau nyiaj, ntaub ntawv tsis pub lwm tus paub thiab kev ua raws li kev cai lij choj. Cov ntaub ntawv cuam tshuam txog kev hais plaub, cov kev tshuaj xyuas nyiaj txiag, cov kev soj qab taug lw yuav tsum muab khaws cia kom zoo tshaj qhov yuav tsum tau ua hauv tus qauv cai. Yog tias koj yog tus saib xyuas thaum muaj kev sib hais plaub, ua raws li cov lus qhia txog kev khaws ntaub ntawv cia thaum muaj kev sib hais plaub kom paub meej tias koj tsis tau muab pov tseg los sis tso tej ntaub ntawv tseem ceeb cia rau qhov chaw tsis yog lawm.

- ✦ **Nyeem txoj cai:** Ntaub Ntawv Qhia Paub thiab Kev Tswj Xyuas Ntaub Ntawv Information Protection and Classification Standard  
Information Retention and Compliance Standard

## Pov thaiiv tej khoom cuab tam txog fab kev txawj ntse

General Mills raug tsim tawm los ntawm tej khoom cuab tam fab kev txawj ntse uas txhawb nqa peb cov lag luam. Peb li khoom cuab tam txog fab kev txawj ntse, xws li peb cov cim kev lag luam, cov ntawv tso cai ua lag luam, cov lus zais hauv kev lag luam, cov kev tsim ua tshiab thiab cov cai tswv, yog qhov khoom cuab tam ntawm lub tuam txhab uas muaj nqis. Yuav tsum muab siv rau General Mills cov hom phiaj nkaus xwb. Tsuas siv los sis faib qhia peb li khoom cuab tam txog fab kev txawj ntse nrog cov neeg sab nraud ntawm lub tuam txhab thaum koj muaj cov ntaub ntawv fab kev cai lij choj uas tsim nyog lawm nkaus xwb. Tsis txhob cuam tshuam yuam cai txog daim ntawv tso cai ua lag luam, cov cim kev lag luam los sis lwm cov cai hais txog khoom cuab tam fab kev txawj ntse ntawm lwm cov tuam txhab. Lub chaw hauj lwm saib xyuas Kev Cai Lij Choj yuav los pab koj.

- ✦ **Nyeem txoj cai:** Cov Cuab Yeej Kev Txawj Ntse

### Sib txuas lus nrog tsoom fwv cov neeg ua hauj lwm kom ua hauj lwm tau zoo

Peb muab siab rau los tsim thiab tswj hwm cov kev sib raug zoo nrog cov tub ceev xwm ntawm nom tswv thiab tsoom fwv cov chaw hauj lwm uas xaiv los thiab teeb tsa los. Peb yuav teb raws li tsoom fwv cov lus thov yam tsim nyog hais txog tej ntaub ntawv uas cuam tshuam txog kev them nqi se, kev ua daim ntawv tso cai, cov kev coj ua rau fab kev nyab xeeb ntawm khoom noj, kev nyab xeeb ntawm kev ua hauj lwm thiab kev noj qab haus huv, kev pov thaiv chaw ib puag ncig thiab lwm cheeb tsam kev tswj hwm tag nrho. Thiab peb yeej rau siab ntso muaj feem xyuam rau qhov cov teeb meem hais txog txoj cai ntawm nom tswv.

Yog tias koj muaj feem cuam tshuam hauv kev pab lub tuam txhab los hais daws cov teeb meem hais txog txoj cai ntawm nom tswv, tsis txhob sawv cev rau lub tuam txhab txog cov teeb meem fab kev cai lij choj, txoj cai tswj hwm los sis txoj cai tshwj tsis yog tias koj muaj kev pom zoo ua ntej los ntawm Tsoom Fwv thiab lub chaw hauj lwm saib xyuas Hauj Lwm Nom Tswv. Tiv tauj nrog tsoom fwv hais txog lub hom phiaj ntawm kev txhawb kom tsim kev cai lij choj, cov cai tswj hwm los sis kev txiav txim siab tuaj yeem xam tias yog kev muab nyiaj qab rooj thiab yuav tsum tau muaj cov kev rau npe los sis cov kev nthuav tawm tshwj xeeb. Hauv ob peb qhov chaw uas tau kev tso cai los ntawm txoj cai li choj, kev siv lub tuam txhab cov nyiaj pab rau cov kev muaj feem xyuam hauv fab kas moos yuav tsum tau txais kev pom zoo ua daim ntawv sau los ntawm tus tswj txoj cai theem siab tso, Tus Kws Sab Laj Dav thiab Tus Lwm Thawj, Cov Hauj Lwm Fab Tsoom Fwv thiab Nom Tswv. Yog tias koj tab tom ua hauj lwm sawv cev rau lub tuam txhab thiab ntseeg tias koj cov kev nqis tes ua tuaj yeem muaj feem cuam tshuam rau fab kas moos, tiv tauj lub chaw hauj lwm saib xyuas Cov Hauj Lwm Ntawm Tsoom Fwv thiab Nom Tswv.

**Nyeem txoj cai:** Tiv Thaiv Kev Nyiaj Noj Nyiaj Kev Sib Raug Zoo Ntawm Tsoom Fwv Thoob Ntiaj Teb thiab Yam Dej Num Kas Moos Teb rau Tsoom Fwv Cov Lus Thov los sis Cov Kev Soj Qab Taug Lw

### Sib tham sawv cev rau lub tuam txhab

Peb muab siab rau los muab cov ntaub ntawv qhia txog fab nom tswv kom raws sij hawm, txhij txhua, ncaj ncees, raug thiab nkag siab tau hais txog General Mills. Muab siab rau saib xyuas lub tuam txhab tej ntaub ntawv, saib xyuas yam tsis pub lwm tus paub thiab nthuav tawm mus rau nom tswv nkaus xwb yog tias koj muaj kev tso cai tshwj xeeb yuav ua tau li ntawd.

Puas muaj lus nug? Ntawm no yog koj cov peev txheej kev pab:

- Chaw Hauj Lwm Kev Sib Raug Zoo Nrog Tus Neeg Nqis Peev: muaj lub luag hauj lwm txog kev tshaj qhia txog cov kawg ua tau los ntawm fab nyiaj txiag, lub tuam txhab txoj kev ua hauj lwm thiab cov xwm txheej hauv tej ntaub ntawv. Ib txwm kuaj xyuas nrog Chaw Hauj Lwm Kev Sib Raug Zoo Nrog Tus Neeg Nqis Peev tas li ua ntej muab los sis nthuav qhia txog tej ntaub ntawv qhia txog fab nyiaj txiag rau ib tug neeg twg nyob sab nraud ntawm lub tuam txhab.
- Chaw Hauj Lwm Saib Xyuas Ntaub Ntawv Sib Txuas Lus Txog Lub Tuam Txhab: muaj lub luag hauj lwm rau lwm cov ntaub ntawv kev sib txuas lus sab nraud tag nrho. Qhia txog cov lus nug ntawm xov xwm mus rau Chaw Hauj Lwm Saib Xyuas Ntaub Ntawv Sib Txuas Lus Txog Lub Tuam Txhab tas li thiab tau txais kev pom zoo ua ntej los ntawm Chaw Hauj Lwm Saib Xyuas Ntaub Ntawv Sib Txuas Lus Txog Lub Tuam Txhab rau cov nqe lus twg los sis cov kev sib txuas lus twg nrog xov xwm.
- Chaw Hauj Lwm Saib Xyuas Txoj Hauj Lwm Ntawm Tsoom Fwv thiab Nom Tswv: saib xyuas lub tuam txhab lub luag hauj lwm txog kev cai lij choj los sis cov cai tswj hwm uas thov tuaj los sis lwm cov cai ntawm tsoom fwv. Tsis txhob nthuav tawm lub tuam txhab lub luag hauj lwm yam tsis tau kev tso cai ua ntej los ntawm lub chaw hauj lwm saib xyuas Txoj Hauj Lwm Ntawm Tsoom Fwv thiab Nom Tswv thiab Tus Kws Sab Laj Dav.

**Nyeem txoj cai:** Ua Korn Ntseeg Tau Tias Muaj Kev Ncaj Ncees Rau Fab Nyiaj Txiag Kev Tiv thaiv Tuam Txhab Cov Ntaub Ntawv thiab Kev Sib Txuas Lus Sab Nraud Kev Sib Raug Zoo Ntawm Tsoom Fwv Thoob Ntiaj Teb thiab Yam Dej Num Kas Moos Teb rau Tsoom Fwv Cov Lus Thov los sis Cov Kev Soj Qab Taug Lw





# KEV NCAJ ▶ NCEES



## UA HAUJ LWM RAU COV PAJ NTSIG SIAB TSHAJ PLAWS NTAWM GENERAL MILLS

### Zam Tsis Pub Muaj Teeb Meem txog Tej Paj Ntsig

Peb cia siab tias koj yuav ua hauj lwm rau cov paj ntsig siab tshaj plaws ntawm General Mills tas li thiab ceev faj txog cov kev tsis sib haum xeeb ntawm paj ntsig uas yuav tshwm sim tau. Kev tsis sib haum xeeb ntawm paj ntsig yog dab tsi? Nws yog thaum uas koj muaj cov paj ntsig ntawm tus kheej uas tuaj yeem cuam tshuam nrog koj lub peev xwm txiav txim siab seb dab tsi yog qhov zoo tshaj plaws rau General Mills. Cov paj ntsig ntawm tus kheej no tuaj yeem ua rau muaj kev txiav txim siab fab lag luam kom raws li lub hom phiaj tau nyuaj. Los sis lawv tab tom ua kom koj pom tias koj tab tom xaiv uas muab txiaj ntsig rau koj uas tsis yog lub tuam txhab. Cov kev tsis sib haum xeeb tiag-tiag — ua ke nrog qhov tshwm sim ntawm cov kev tsis sib haum xeeb — yuav tsum zam kom tau. Ua tib zoo xav txog koj tus kheej li xwm txheej hais txog cov kev tsis sib haum xeeb txog paj ntsig uas tshwm sim tiag los sis pom tseeb. Yog tias koj ntseeg tias koj los sis ib tug tswv cuab ntawm tsev neeg muaj kev tsis sib haum xeeb ntawm paj ntsig, koj yuav tsum nthuav tawm rau koj tus thawj tswj xyuas hauj lwm.

✦ **Nyeem txoj cai:** Cov Txiaj Ntsig Nyuaj  
Cov Khoom Plig thiab Kev Lom Zem

### Lub hwj chim uas tsis tsim nyog kom yus tau txiaj ntsig ntawm tus kheej

Txwv tsis pub siv kev muaj cai los sis hwj chim ntawm koj txoj hauj lwm nyob hauv General Mills rau qhov txiaj ntsig ntawm tus kheej. Zam tsis txhob siv lub tuam txhab lub npe, ntaub ntawv, pluaj siab zoo, cov cuab tam los sis cov peev txheej kev pab rau ib lub hom phiaj twg uas tsis yog lub tuam txhab tej kev lag luam.

Lub hwj chim uas tsis tsim nyog kuj tuaj yeem suav muaj kev muab General Mills cov khoom lag luam los sis pab nyiaj rau cov kev sib pub los sis cov koom haum ua hauj lwm tsis vam nyiaj paj ntsig uas koj txhawb nqa. Tam sim no General Mills Pab Pawg Saib Xyuas Kev Cuam Tshuam Thoob Plaws Ntiaj Teb yuav saib xyuas kev sib pub uas muab sawv cev rau ntawm lub tuam txhab. Tiv tauj Pab Pawg Saib Xyuas Kev Cuam Tshuam Thoob Plaws Ntiaj Teb yog tias koj muaj lus nug dab tsi txog kev muab los sis kev pub nyiaj rau lub chaw sib pub.

✦ **Nyeem txoj cai:** Cov Txiaj Ntsig Nyuaj  
Cov Khoom Plig thiab Kev Lom Zem  
Cov Neeg Ua Hauj Lwm Kev Koom Tes Rau Hauv Kev Muab Kev Pab thiab Kev  
Ua Hauj Lwm Pab Dawb Hauv Zej Zog

**Cov lus nug uas yuav muab coj los xav:**

- Koj li paj ntsig ntawm tus kheej puas tuaj yeem muaj hwj chim, los sis saib zoo li yuav muaj hwj chim, rau koj lub peev xwm los txiav txim siab rau fab kev lag luam kom raws li lub hom phiaj tau?
- Koj tus kheej puas tau txais txiaj ntsig los ntawm qhov xwm txheej no? Nws puas yuav muaj txiaj ntsig rau tus phooj ywg los sis tus neeg hauv tsev neeg?
- Yuav muaj dab tsi tshwm sim rau koj lub peev xwm los ua koj txoj hauj lwm yog tias koj koom nrog?
- Koj li kev mus koom nrog puas tuaj yeem ua rau General Mills nyuaj siab tau?

**Tuaj yeem tswj hwm tau cov kev tsis sib haum xeeb.**

Thaum koj ua koj txoj hauj lwm hauv General Mills, peb xav kom koj tsim koj tau cov kev sib raug zoo rau fab kev lag luam kom zoo, los kawm paub thiab loj hlob, thiab muab siab rau lub zej zog uas koj ua hauj lwm thiab nyob rau hauv. Yog tias koj tau txais lub hwv tsam los muab kev pab cuam rau pawg thawj coj ntawm lub koom haum ua hauj lwm tsis vam nyiaj paj ntsig, pib los sis koom nrog hauv ib lub lag luam me sab nraud, ua hauj lwm tam li yog tus kws pab sab laj los sis tus neeg pab tswv yim, nqis peev hauv lub lag luam pib tshiab los sis muab kev pab cuam tam li yog tus kws tawm tswv yim rau lub chaw tsim khoom, tham nrog koj tus thawj tswj xyuas hauj lwm los sis Kev Coj Raws Txoj Cai thiab Kev Ua Raws Li Txoj Cai. Cov xwm txheej no tuaj yeem lees txais tau thiab tswj hwm tau, thiab feem ntau tuaj yeem ua tau. Tab sis yuav tsum muaj kev muab siab rau los ua kom paub tseeb tias muaj kev coj kev kom tsim nyog.

**Cov xwm txheej uas tuaj yeem tsim muaj cov kev tsis sib haum xeeb txog paj ntsig thiab yuav tsum tau muab nthuav tawm**



**Cov Khoom Plig thiab Kev Lom Zem:**

Koj tau txais los sis muab cov khoom plig los sis kev lom zem cuam tshuam nrog cov khub lag luam ua ke, suav nrog kev muab los them rau cov nqi kev taug kev.



**Cov Paj Ntsig Rau Kev Ua Tus Tswv:**

Koj los sis tus tswv cuab hauv tsev neeg ua ib tug tswv ntawm lub tuam txhab uas ua lag luam nrog los sis sib tw nrog General Mills — los sis koj ua tus tswv ib feem ntawm lub tuam txhab ntawd.



**Kev Ntiav Ua Hauj Lwm Rau Lwm Qhov Chaw:**

Koj yog tus neeg dhia hauj lwm, tus thawj coj, tus neeg ua hauj lwm, tus kws pab sab laj tawm tswv yim, tus neeg muaj hwj chim los sis tus neeg sawv cev ntawm, los sis muaj ib txoj hauj lwm thib ob nrog, General Mills tus neeg sib twv, tus neeg muag khoom, tus neeg qhua los sis lwm tus khub lag luam ua ke, thiab nws tuaj yeem cuam tshuam nrog koj lub luag hauj lwm los sis kev coj ncaj rau General Mills.



**Cov Kev Sib Raug Zoo Ntawm Tus Kheej:**

Koj muaj kev sib raug zoo ntawm tus kheej zoo heev, suav nrog tsev neeg, kev sib raug zoo txog kev sib hlub los sis zoo heev, nrog General Mills tus neeg sib twv, tus neeg muag khoom, tus neeg qhua los sis tus neeg xa khoom, los sis nrog lwm tus neeg ua hauj lwm hauv General Mills, uas koj muaj lub hwj chim rau kev sib raug zoo ntawm lub lag luam los sis tus neeg ua hauj lwm li kev ntiav ua hauj lwm.



**Kev Pab Cuam Pej Xeem/Cov Thawj Coj:**

Koj ua hauj lwm hauv pab pawg thawj coj uas muaj paj ntsig los sis tsis muaj paj ntsig.



**Kev Mus Hais Lus thiab Cov Kev Nthuav Ghia:**

Koj raug caw mus tham lus ntawm cov xwm txheej uas lawv them tus nqi kev taug kev los sis chaw pw — los sis tus muab kev txhawb nqa qhov xwm txheej muab kev them nqi rau koj.

## Kev txais thiab muab khoom plig

Cov khoom plig thiab kev lom zem tuaj yeem tsim tau pluaj siab zoo hauv peb cov kev sib raug zoo ntawm lub lag luam, tab sis lawv tuaj yeem ua rau ua tau raws li lub hom phiaj hais txog tus neeg uas muab rau lawv ntawd. Qhov kev txiav txim siab uas koj ua hais txog txoj hauv kev uas General Mills ua hauj lwm nrog cov neeg xa khoom, tus neeg muag khoom, tus neeg qhua los sis lwm tus khub koom ua lag luam ua ke li cas ntawd yuav tsum muab saib raws li cov txuam thawj tseeb ntawm lub hom phiaj xws li tus nqi, qhov zoo tsim nyog, txiaj ntsig, kev pab cuam thiab lub peev xwm yuav muab tau. Zam kom dhau txawm tias muaj kev txiav txim siab rau fab kev lag luam raws li cov khoom plig uas tau txais los ntawm cov kev sib raug zoo no. Cov khoom plig uas muaj tus nqi tsawg (tsawg dua \$100 USD los ntawm ib qhov chaw twg thiab \$250 los ntawm tag nrho qhov chaw hauv ib lub xyoo) yuav yog qhov yuav taus tsuav yog tias koj lub lag luam tsis muaj txoj cai hais txog kev muab khoom plig uas muaj kev txwv. Kev ua koob tsheeb rau fab kev lag luam uas tsis tshwm sim tas li yog qhov tsim nyog, tab sis tsis pub tshaj los sis tsim ua rau muaj lub koob lub npe tsis zoo.

Thaum muab cov khoom plig los sis muab kev lom zem rau tus khub koom ua lag luam ua ke, ua kom paub tseeb tias koj qhov kev muab ntawd tsis ua txhaum tus neeg txais qhov khoom plig cov cai ntawm nws lub tuam txhab. Yog tias koj ua hauj lwm nrog cov neeg ua hauj lwm ntawm nom tswv los sis tsoom fww, xav kom paub tias txawm tias kev muab me ntsis xwb xws li kev yuav puas mov noj los sis dej haus kuj yuav tsis taus los sis tej zaum yuav yuam txoj cai lij choj lawm thiab. Cov khoom plig muab rau uas siv koj tus kheej li nyiaj tseem yuav nyob raws li peb txoj cai ib yam thiab. Tiv tauj lub chaw hauj lwm saib xyuas fab Kev Cai Lij Choj ua ntej muab ib qho khoom plig twg los sis kev lom zem rau tus neeg ua hauj lwm ntawm nom tswv los sis tsoom fww.

 **Nyeem txoj cai:** Tiv Thaiv Kev Nyiaj Noj Nyiaj  
Cov Txiaj Ntsig Nyuaj  
Cov Khoom Plig thiab Kev Lom Zem

### Ib txwm tsis kam lees cov khoom plig uas ...

- Yog nyiaj ntsuab los sis sib npaug rau nyiaj ntsuab (suav nrog cov npav khoom plig los sis cov ntawv muaj nyiaj yuav khoom).
- Tsis raug kev cai los sis txhaum txoj cai lij choj.
- Ua rau koj hnov tias muaj lub luag hauj lwm.
- Muaj hwj chim los sis muaj tus yam ntxwv uas muaj hwj chim rau kev txiav txim siab rau fab kev lag luam.
- Muab los tam li yog ib feem ntawm kev sib pom zoo twg kom los ua qee yam rov qab.

### Kev lom zem hauv kev lag luam yuav tsum ...

- Muaj feem cuam tshuam rau lub hom phiaj ntawm kev lag luam uas raug.
- Nyob hauv cheeb tsam thiab tsis cuam tsbuam rau kev taug kev los sis chaw pw.
- Tsis tas li thiab tsis siv luam thum los sis ntau dhau.
- Tsis muaj kev siv hwj chim los sis muaj tsos zoo li yuav siv hwj chim hauv koj li kev txiav txim siab rau fab kev lag luam.
- Raug kev cai thiab tsis ntxim ntxub los sis ua txhaum rau peb txoj kev muab siab rau los sib hwm.



## Txwv tsis pub muab nyiaj qab rooj

General Mills yuav tsis zam txim rau kev noj nyiaj qab rooj hauv ib hom twg ntawm peb cov kev sib tham txog kev lag luam. Txwv tsis pub muab, hais txog kev muab los sis yuav nyiaj xiab los sis nyiaj qab rooj kiag li. Kuv noj nyiaj qab rooj tuaj yeem ua tau ntau hom. Nws tuaj yeem cuam tshuam nrog cov neeg ua hauj lwm hauv tsoom fwm tab sis kuj tuaj yeem cuam tshuam nrog cov neeg ua hauj lwm ntawm peb cov khub koom ua lag luam ua ke thiab. Kev noj nyiaj txiag suav muaj nyiaj xiab thiab nyiaj qab rooj ntawm ib yam twg uas muaj nqis — xws li nyiaj thiab cov khoom plig, ua ke nrog cov puas mov, kev lom zem, kev taug kev, kev ntiav hauj lwm, cov kev pab nyiaj los sis lwm cov kev koom pab los sis kev pom zoo — muaj hwj chim rau kev txiav txim siab uas tsis tsim nyog los sis tau txiag ntsig uas tsis tsim nyog. Peb hais kom peb cov neeg muag khoom, chaw ncau lag luam thiab cov chaw xa khoom ua raws li cov qauv cai kev tiv thaiv-kev tiv thaiv kev noj nyiaj qab rooj zoo tib yam li no thaum ua hauj lwm rau peb, tsis hais yuav yog rau fab twg ntawm kev koj ua hauv zej zog los sis raws li poj rhawv kab yawm rhawv kev.

Thaum yuav tiv tauj nrog cov neeg ua hauj lwm ntawm tsoom fwm nyob txawv teb chaws uas tsis yog Teb Chaws Meskas, tej zaum yuav tau txais kev tso cai muab tau khoom plig thiab kev txais qhua me ntswb me ntsis hauv cov teb chaws uas lawv muab raws kev cai thiab kev cai lij choj. Tab sis tsis pub muab los sis kom muab General Mills qhov txiag ntsig uas tsis tsim nyog rau. Kev sib them nyiaj nrog cov neeg ua hauj lwm uas tsis yog Teb Chaws Meskas cov tsoom fwm yuav tsum ua raws nraim peb txoj cai kev Tiv Thaiv-Kev Noj Nyiaj Qab Rooj thiab muab teev tseg kom raug rau hauv peb cov ntaub ntawv teev tseg. Muab kev pab yooj yim rau cov kev them nqi — muab kev them nyiaj me ntsis kom hla dhau tsoom fwm qhov txheej txheem ua hauj lwm tau sai — raug txwv tsis pub ua thiab yuav tsis pub ua hauv qhov xwm txheej twg li.

 Nyeem txoj cai: Tiv Thaiv Kev Nyiaj Noj Nyiaj

## Cov qauv piv txwv txog kev noj nyiaj txiag:

**Tiv tauj lub chaw hauj lwm saib xyuas fab Kev Cai Lij Choj yog tias koj ntsib ib qhov twg ntawm cov xwm txheej no:**



Ib lub tuam txhawb tsim vaj kho tsev uas ua hauj lwm sawv cev rau General Mills muab khoom plig rau cov neeg ua hauj lwm nom tswv hauv cheeb tsam zej zog kom tau daim ntawv tso cai sai.



Lees txais pob nyiaj pub rau kev taug kev mus so los ntawm tus neeg muag khoom uas nrhiav kev ua kom txhob poob daim ntawv cog lus los ntawm General Mills.



Them nyiaj rau tus neeg tshawb xyuas khoom noj kom tsis txhob quav ntsej cov txheej txheem kev tu huv yam tsim nyog.



Tus neeg ua nais nab ntawm chaw sau se them ib qho nqi rau tus neeg sawv cev ntawm chaw sau se kom muab General Mills cov khoom lag luam ua kom dhau kev them nqi se thaum uas cov khoom lag luam ntawd tseem tsis tau muaj ntaub ntawv txog kev them se yam tsim nyog.



Tus neeg muag khoom them nyiaj ntxiv rau tus neeg ua hauj lwm hauv tsoom fwm kom ua kev rau npe qhov khoom lag luam kom sai.

## Paub txog koj cov khub koom ua lag luam ua ke

Cov neeg qhua yuav khoom, cov neeg muag khoom, cov neeg xa khoom thiab lwm cov neeg koom tes lag luam ua ke uas peb muaj kev koom tes nrog yog ib feem ntawm peb lub lag luam. Peb yuav tsum paub peb cov khub koom lag luam ua ke kom zoo. Thaum koj koom tes nrog tus khub lag luam, koj yuav tsum ntsuam xyuas tus khub ua lag luam ntawd txoj kev ncaj ncees, ua kom swm nrog lawv cov kev coj ua hauv kev lag luam thiab ua cov kev kuaj xyuas keeb kwm. Hais kom paub mee nrog tus khub ua lag luam txog yam uas yuav taus thiab yam uas tsis tau kev tso cai. Saib xyuas cov ntawv sau nqi thiab cov nqe lus hais txog kev them nqi uas txawv txav uas muab siv nyob hauv cov kev sib them nyiaj.

Cov kev sib them nyiaj uas tseem muaj lus nug los sis cov kev sib them nyiaj uas them ua nyiaj ntsuab tuaj yeem yog ib qho cim ntawm tej dej num tsis raug raws kev cai lij choj los sis kev ua luam nyiaj txhaum kev cai. “Kev ua luam nyiaj txhaum kev cai” yog qhov txheej txheem los ntawm qhov uas ib tug neeg los sis pab pawg neeg siv zog los zais kev ua cov dej num uas tsis raug raws kev cai lij choj los sis los ua kom cov hauv paus ntawm lawv cov nyiaj tsis raug raws kev cai ntawd saib zoo li raug kev cai lawm. Yog tias koj muaj kev txhawj xeeb hais txog ib tug neeg qhua los sis kev sib them nyiaj twg, tshaj qhia mus rau pab pawg saib xyuas Fab Nyiaj Txiag los sis lub chaw hauj lwm saib xyuas Kev Cai Lij Choj.



### Kej Txais Tos Qhua thiab Cov Neeg Ua Hauj Lwm Hauv Tsoom Fwv

Piv xam tias tus thawj tswv nroog ntawm koj lub nroog xav mus saib qhov chaw tsim khoom, los sis koj xav ua tsaug rau lub chaw hauj lwm tub ceev xwm hauv zej zog txog lawv txoj kev ua hauj lwm pab zej zog. Thaum uas muab ib pluag mov noj los sis ib pob tawb khoom plig ntawm cov qauv khoom lag luam kuj saib zoo li dog dig thiab xav thoob, tab sis cov neeg ua hauj lwm hauv cheeb tsam coob leej raug txwv twb tsis pub lees txais ib khob kas fes li. Kuaj xyuas nrog lub chaw hauj lwm saib xyuas Kev Cai Lij Choj los sis Feem Hauj Lwm Ntawm Tsoom Fwv thiab Nom Tswv ua ntej tas li.

## Saib xyuas cov kev sib koom tes kom zoo

Peb vam khom rau ntau cov khub koom lag luam los muab, tsim thiab muag peb cov khoom lag luam. Peb cov neeg xa khoom, cov neeg muag khoom, cov neeg txais daim ntawv tso cai thiab cov chaw tsim khoom uas muaj ntawv cog lus yeej tau txais kev ua tib zoo xaiv siab raws li cov kev coj uas ncaj ncees txog fab kev lag luam ua ke nrog kev ua raws txoj cai hauv zej tsoom thiab chaw ib puag ncig, haiv neeg coob, qhov ua tau zoo tsim nyog, kev pab cuam, kev phee hmoov thiab tus nqi. Tsis tas li ntawd, peb kuj siv zog los qhia txog kev muaj ntau haiv neeg ntawm peb cov neeg qhua thiab cov zej zog uas peb ua hauj lwm nrog hauv peb cov kev sib koom tes ua lag luam. Cov khub koom lag luam no yuav tsum ua raws li peb Txoj Cai Kev Cai Ntawm Tus Neeg Xa Khoom. Tsab cai no hais txog cov cai yuav tsum tau ua txog kev ncaj ncees ntawm tib neeg, kev noj qab haus huv thiab kev nyab xeeb, chaw ib puag ncig thiab kev lag luam, xws li ua kom paub tseeb tias cov sij hawm ua hauj lwm, cov xwm txheej, cov nqi zog qi zog ua hauj lwm qis kawg nkaus, kev them nqi zog ua hauj lwm tshaj sij hawm thiab hnub nyoog uas cia ua tau hauj lwm qis tshaj plaws ua tua raws nrog cov kev cai lij choj hauv cheeb tsam thiab cov qauv cai uas lees paub thoob ntiaj teb, uas siv tau. Hauv lwm txoj kev, peb cov khub koom lag luam tuaj yeem vam khom txog peb kom hwm txog cov nqe lus hais thiab cov cai ntawm peb cov ntawv cog lus, them nyiaj kom raws sij hawm thiab pov thaiv tej ntaub ntawv tsis pub lwm tus paub ntawm cov ntaub ntawv qhia paub txog kev muaj cai yog tus tswv. Txawm hais tias yuav yog kev nrhiav cov khoom sib xyaws uas zoo tsim nyog los sis pab peb coj tej khoom lag luam mus rau lub khw, peb paub zoo tias peb txoj kev huaj vam yuav vam khom rau lub zog ntawm cov kev sib raug zoo no.

## Sib tw nrog kev ncaj ncees

General Mills zoo siab txog lawv li keeb kwm ntawm kev ua hauj lwm txog theem siab tshaj plaws ntawm kev ncaj ncees, txawm tias nyob hauv ncuas uas muaj kev sib tw heev tshaj plaws. Peb ntseeg tias ib lub tuam txhab yuav nrhiav tau lub khw thiab muag tau lawv cov khoom yam huaj vam raws kev ncaj ncees, raug cai thiab ua lag luam raug kev cai lij choj.

## ... thiab sib tw yam ncaj ncees

Txoj cai lij choj hais txog kev sib tw, hu ua tsab cai lij choj tiv thaiv kev txwv lwm tus ua hauv Teb Chaws Meskas, tsom rau los ceev kev sib tw kom ncaj ncees, coj ncaj thiab ua tiag-tiag. General Mills yeej txhawb nqa lub hom phiaj no heev li. Cov kev cai lij choj no txwv tsis pub muaj kev sib koom siab thiab cov kev sib pom zoo uas txwv kev sib tw ntawm cov neeg sib tw (suav nrog, piv txwv li, kev faib qhia cov ntaub ntawv uas nkag cuag tau yooj yim rau fab kev sib tw), cov kev siv zog uas tsis tsim nyog los txwv cov kiab khw los sis tswj cov nqi, thiab qee cov kev coj ua hauv kev lag luam uas tsis ncaj ncees.


Thaum uas cov kev cai lij choj no muaj qhov hais txog dav heev thiab muaj qhov sib cov pes daws, thiab qhov uas yuav coj mus siv li cas tuaj yeem saib tau raws li cov txuam thawj tseeb tshwj xeeb thiab cov xwm txheej, koj yeej yuav tsum:

- Paub txog koj cov luag hauj lwm raws li cov kev cai lij choj thiab tshaj qhia cov kev ua txhaum cai uas tuaj yeem tshwm sim muaj.
- Tsis txhob ua kev sib pom zoo raws cai los sis tsis raws cai nrog cov neeg sib tw txog cov ncaj lus uas nkag cuag tau yooj yim xws li cov nqi, cov paj ntsig, cov phiaj xwm ntawm lub lag luam, cov khoos kas ntawm kev lag luam, cov kev luv nqi thiab lub peev xwm ntawm kev tsim tau khoom.
- Saib xyuas cov neeg qhua yuav khoom ntawm kev sib tw kom ncaj ncees thaum hais txog cov nqi, cov khoos kas kev lag luam thiab kev pab rov muag dua.

Puas muaj cov lus nug hais txog cov kev cai lij choj hais txog kev txwv kiab khw los sis kev sib tw los sis yuav siv lawv li cas? Nrog tus kws lij choj uas txhawb nqa koj lub lag luam. Tshaj qhia qhov kev ua txhaum txoj cai twg kom sai mus rau lub chaw hauj lwm saib xyuas Kev Cai Lij Choj.

Thaum peb sib tw txog kev lag luam, peb:


- Hais txog cov lus thov yuav cai raws qhov tseeb hais txog peb cov neeg sib tw cov khoom lag luam thiab cov kev pab cuam thiab piv rau peb cov nkaus xwb.
- Hwm txog ntaub ntawv tsis pub lwm tus paub ntawm peb cov neeg sib tw cov lus zais fab kev lag luam.
- Tau txais kev lag luam vim muaj qhov ua tau zoo tsim nyog, muaj nqis thiab muaj tus nqi ntawm peb cov khoom lag luam, thiab peb kev tshaj tawm lag luam thiab cov peev xwm ntawm kev muag khoom tau zoo dua.




**Kev suav sau tej ntaub ntawv hais txog cov neeg sib tw lag luam**

Kev sau tej ntaub ntawv qhia paub txog peb cov neeg sib tw — feem ntau yuav hu ua xov xwm nyiag los ntawm lwm tus txog kev sib tw — yog kev coj ua hauv fab kev lag luam uas raug raws kev cai lij choj. Kev ua tau li ntawd yuav pab peb kom muaj kev sib tw nrog luag tau hauv kiab khw. Kev tau txais ntaub ntawv los ntawm cov hauv paus uas yog los ntawm pej xeem, xws li hauv social media los sis cov kev tshaj qhia txog kev tsom xam, yog qhov tsim nyog thiab xav kom ua li ntawd xwb.

Txawm li cas los xij, kev sau cov ntaub ntawv nyiag los ntawm lwm tus txog kev sib tw tuaj yeem ua rau muaj cov teeb meem rau fab kev cai lij choj thiab kev ua raug cai. Koj yuav tsum tsis txhob muab los sis tau txais cov ntaub ntawv tsis pub lwm tus paub, cov ntaub ntawv uas nkag cuag tau yooj yim txog fab kev sib tw ncaj qha los ntawm tus neeg sib tw. Koj yuav tsum ua raws li peb cov cai yuav tsum tau ua raws txoj cai thaum twg los xij uas sau los sis siv cov ntaub ntawv uas nkag cuag tau yooj yim txog fab kev sib tw uas tau los ntawm tus neeg qhua, tus neeg ua nais nab los sis tus neeg xa khoom. Thiab yog tias koj ua hauj lwm nrog cov kws sab laj pab tswv yim, cov neeg muag khoom thiab lwm cov khub koom lag luam, ua kom paub meej tias lawv nkag siab thiab ua raws li peb txoj cai txog kev sau cov ntaub ntawv nyiag ntawm lwm tus los hais txog kev sib tw ntawd. Cov lus nug los sis cov kev tsis paub meej hais txog qhov xwm txhee? Sab laj nrog lub chaw hauj lwm saib xyuas Kev Cai Lij Choj.

 **Nyeem txoj cai:** Kev Txawj Ntse Rau Fab Kev Sib Taw

**General Mills txwv ...**



# KEV NTSEEG ▶ SIAB



## TSWJ KOM TAU KEV NCAJ NCEES HAUV LUB TUAM TXHAB

### Keu saib xyuas kom ncaj ncees rau fab nyiaj txiag

Thaum koj muaj lub luag hauj lwm saib xyuas cov peev nyiaj, cov nyiaj cia siv los sis cov cuab tam, ua tib zoo tswj hwm lawv, kom raug thiab kom ncaj ncees. Txhua qhov kev txiav txim siab txog fab nyiaj txiag uas koj ua yuav tsum muaj txiag ntsig rau lub tuam txhab thiab tsis txhob xav txog paj ntsig ntwm tus kheej. Yog tias koj muaj lub luag hauj lwm txog kev pom zoo rau kev tshaj qhia kev siv nyiaj, saib xyuas rau fab kev sib them nyiaj uas zoo li tsis mus raws lub tuam txhab txoj cai. Piv txwv li, cov kev xa lig, kev ua ntaub ntawv tsis tshua zoo los sis cov kev tshaj qhia tsis txhij txhua tuaj yeem yog qhov kev qhia txog kev dag ntxias tau. Tshaj qhia txog kev dag ntxias twg uas xoom xaim tias yog mus rau koj tus thawj tswj xyuas hauj lwm, Feem Saib Xyuas Neeg Ua Hauj Lwm los sis Tus Xov Tooj Qhia Txog Kev Ncaj Ncees.

✦ **Nyeem txoj cai:** Ua Kom Ntseeg Tau Tias Muaj Kev Ncaj Ncees Rau Fab Nyiaj Txiag  
Kev Tiv Thaiv Kev Dag Ntxias  
Cov Txiag Ntsig Nyuaj

### Khaws cov ntaub ntawv teev tseg txog kev lag luam kom raug

Cov ntaub ntawv teev tseg uas peb tsim los teev ntaub ntawv txog peb cov dej num kev lag luam ntawd yuav tsum raug thiab qhia txog qhov tseeb. Hauv peb txoj hauj lwm, peb tsim tau cov ntaub ntawv teev tseg txog kev lag luam thiab fab nyiaj txiag yam suav tsis txheeb hauv txhua hnub — txij li cov email mus rau cov ntawv cog lus, cov ntawv xaj yuav khoom mus rau cov ntawv sau nyiaj, cov ntaub ntawv txog kev tsim khoom mus txog rau cov kev ua ntawv foob rau fab kev cai. Peb siv cov ntaub ntawv no los khiav lub lag luam, los npaj peb cov ntaub ntawv qhia txog fab nyiaj txiag thiab tshaj qhia txog peb cov txiaj ntsig ua tau los. Tsis hais yuav yog rau fab twg ntwm hom ntaub ntawv uas peb tsim tawm los-los sis txawm tias nws yuav saib zoo li tsis tshua tseem ceeb, nws yeej yog ntaub ntawv teev tseg txog kev lag luam. Cov ntaub ntawv uas nws muaj yuav tsum yog qhov tseeb, raug thiab txhij txhua. Yog tias koj pom tias tej ntaub ntawv los sis ntaub ntawv teev tseg tsis raug — los sis yog tias koj pom kev tsis ua raws li peb cov txheej txheem kev tswj hwm sab hauv tuam txhab — koj yuav tsum hais tawm los thiab tshaj qhia kom sai.



## Tshaj qhia txog peb txoj kev ua tau hauj lwm

General Mills ua cov ntawv tshaj qhia nrog Teb Chaws Meskas Pab Pawg Kws Saib Xyuas Cov Kev Ruaj Ntseeg thiab Kev Sib Pauv uas muaj cov ntaub ntawv hais txog lub tuam txhab, peb cov lag luam thiab peb cov txiaj ntsig kev ua tau rau fab nyiaj txiag. Peb siv lub lab npauv cov cai hais txog kev suav nyiaj, cov kev tswj hwm sab hauv tuam txhab thiab cov kauj ruam kev nthuav tawm kom ntseeg tau tias cov kev ua ntawv foob thiab cov kev nthuav tawm raug lawm. Tsis tas li ntawd, peb kuj siv cov lab npauv no los npaj cov ntaub ntawv los nthuav qhia rau peb cov neeg nqis peev hauv kev tshaj xov xwm fab nyiaj txiag thiab cov kev nthuav qhia rau tus neeg nqis peev. Yog tias koj yuav paub txog cov kev coj ua fab kev suav nyiaj tsis tsim nyog los sis dag ntxias, kev tshaj qhia fab nyiaj txiag los sis cov kev nthuav tawm rau zej tsoom, cia li nrog tus thawj ntawm cov chaw hauj lwm fab nyiaj txiag tham hais txog koj lub chaw khiav lag luam, tus thawj neeg ua hauj lwm hauv fab kev suav nyiaj txiag, los sis lub chaw hauj lwm ntawm Kev Sab Laj Tawm Tswv Yim Dav kiag tam sim ntawd. Yog tias koj tsis xav qhia npe, tiv tauj rau Tus Xov Tooj Qhia Txog Kev Ncaj Ncees.

 **Nyeem txoj cai:** Ua Kom Ntseeg Tau Tias Muaj Kev Ncaj Ncees Rau Fab Nyiaj Txiag

## Cov lus nug hais txog kev teev ntaub ntawv tseg txog kev sib them nyiaj?

Feem ntau muaj ntau cov hauv kev uas yuav taus txog kev suav nyiaj txiag rau qhov kev sib them nyiaj uas yog tib qho ntawd, thiab lub tuam txhab yuav tsum txiav txim siab seb txoj hauv kev twg ua tau qhov kev tshaj qhia uas tsim nyog tshaj plaws. Sab laj nrog Lub Koom Haum Kev Suav Nyiaj Txiag Thoob Ntuj los sis koj lub chaw tswj hwm hauv cheeb tsam hais txog qhov lus qhia txog txoj hauv kev suav nyiaj txiag uas tsim nyog. Yog tias txoj hauv kev uas lawv thov kom koj siv ntawd tsis haum raws li lub tuam txhab txoj cai los sis, hauv koj lub zeem muag, tsis tsim nyog, koj yuav tsum hais qhia rau tus thawj ntawm chaw hauj lwm saib xyuas nyiaj txiag rau koj pab pawg, Tus Thawj Neeg Ua Hauj Lwm Hauv Fab Kev Suav Nyiaj Txiag thiab Kws Sab Laj Dav kiag tam sim ntawd.


## Yam uas koj yuav tsum tau ua:

- Teev tseg txog cov kev sib them nyiaj tas li hauv ncuaj sij hawm kev suav nyiaj txiag uas tsim nyog thiab hauv tus as khauj kom raug. Tsis txhob ua qeeb los sis txhob kev teev tseg tej kev siv nyiaj los sis kev muag khoom kom ua tau raws li pob peev nyiaj.
- Ua kom ntseeg tau tias cov kev tshaj qhia txog txoj kev cai txij txhua, raug thiab raws sij hawm tas li.
- Hais tawm yog tias koj hnov tias cov ntaub ntawv teev tseg txog lub lag luam tsis yog qhov tseeb los sis tsis raug.
- Tsis txhob ua ntaub ntawv dag los sis zais los sis ua kom neeg to taub yuam kev qhov tseeb tiag ntawm kev sib them nyiaj.
- Txhob hais tshaj qhov muaj los sis ntaus tus nqi tej nuj nqis los sis cov cuab tam siab dhau. Cov kev kwv yees thiab cov nuj nqis tseem them tsis tag yuav tsum tau txais kev txhawb nqa los ntawm tej ntaub ntawv uas tsim nyog thiab saib raws li koj li kev txiav txim siab zoo tshaj plaws.
- Tsis txhob txhawb los sis tso cai kom ib tug neeg twg sib hais txog qhov raug los sis kev ncaj ncees ntawm peb cov ntaub ntawv teev tseg.



## Kev siv cov peev txheej hauv lub tuam txhab yam tsim nyog


Hauv koj txoj hauj lwm, koj yuav muaj kev nkag tau rau cov peev txheej kev pab uas yog lub tuam txhab ua tus tswv uas pab ua kom tau raws li peb cov hom phiaj kev lag luam. Cov peev txheej kev pab no suav muaj tej yam xws li cov khoos phis tawj, kev txuas rau is taws nem, tus email, lub software, cov khoom siv thiab tej cuab yeej, cov tsheb hauv lub tuam txhab, cov npav credit cards ntawm lub tuam txhab los sis cov npav yuav khoom, lwm yam ntxiv. Tsis txhob siv lub tuam txhab cov peev txheej kev pab mus rau cov dej num uas tsis tsim nyog los sis txhaum kev cai lij choj. Kom paub tias koj qhov kev siv cov peev txheej kev pab no tsis yog khoom ntiag tug. Saib xyuas koj mus siv rau General Mills kev lag luam nkaus xwb.

 **Nyeem txoj cai:** Electronic Communications  
Business Expense and Travel  
Kev Tiv Thaiv Kev Dag Ntxias

## Xa cov ntawv tshaj qhia txog kev siv nyiaj

General Mills yuav them cov nuj nqis uas cuam tshuam rau kev taug kev mus hauj lwm lag luam thiab kev lom zem thiab rau kev txhim kho fab kev ua hauj lwm rov qab rau. Cov nuj nqis uas koj xa tuaj hauv koj cov ntawv tshaj qhia txog nuj nqis yuav tsum muaj laj thawj txaus, tsim nyog thiab cuam tshuam rau General Mills lub lag luam. Nws yeej tsis tsim nyog siv nyiaj mus rau cov khoom yuav rau tus kheej hauv koj cov ntawv tshaj qhia txog tej nuj nqis.

Yog tias koj yog tus thawj tswj xyuas hauj lwm, koj muaj lub luag hauj lwm txog kev ua kom paub tseeb hais tias cov nuj nqis uas muab xa tuaj ntawm koj cov ntawv tshaj qhia ncaj qha no yog siv rau cov hom phiaj kev lag luam raug kev cai lij choj lawm. Siv sij hawm ua tib zoo tshuaj xyuas lawv cov ntawv tshaj qhia txog nuj nqis. Sib tham txog cov nuj nqis uas tseem tsis paub mee nrog lawv. Yog tias koj xoom xaim tias ib tug neeg ua hauj lwm tab tom tsis qhia qhov tseeb txog tej nuj nqis, tiv tauj Feem Saib Xyuas Neeg Ua Hauj Lwm los sis Tus Xov Tooj Qhia Txog Kev Ncaj Ncees.

 **Nyeem txoj cai:** Business Expense and Travel

### Lub tuam txhab cov peev txheej kev pab tsuas muaj rau siv hauv lub tuam txhab nkaus xwb

- Tsis txhob siv lub tuam txhab cov twj ua hauj lwm fab nyiaj xtiag (xws li daim npav yuav khoom los sis daim npav credit card ntawm lub tuam txhab) mus yuav rau tus kheej.
- Tsis txhob siv koj tus email hauv General Mills mus siv rau cov dej num ntawm tus kheej, xws li kev lag luam hauv tuam txhab nyiaj, kev yuav khoom hauv online los sis tshuaj xyuas cov as khauj social media ntawm tus kheej.
- Tsis txhob siv kev xa tsab lus sai los sis sau ntawv rau kev teev tseg cov kev sib them nyiaj txog lub lag luam los sis ua kev sib tham uas yuav tsum tau muaj kev tshwj tseg ua ntaub ua ntawv cia.

- Tsis txhob nthuav tawm, xa, teev tseg, rub nkag los sis rub tawm tuam txhab cov ntaub ntawv tsis pub lwm tus paub yam tsis tsim nyog li.
- Tsis txhob faib los sis tso tej ntaub ntawv saib uas tuaj yeem xam tias yog qhov phom sij, zes, txhaum kev cai los sis txhob txwm ua phem rau ib tug neeg twg lub koob lub npe.
- Tsis txhob rub, nruab los sis siv lub software uas tsis tau txais kev pom zoo los ntawm General Mills lub chaw hauj lwm saib xyuas Tev Naus Laus Zis Fab Kev Saib Xyuas Ntaub Ntawv.
- Tsis txhob txuas cov cuab yeej sab nraud mus rau cov khoos phis tawj los sis cov nev vawj uas General Mills muab siv.
- Tsis txhob nyem rau cov ntawv dhia tawm los thiab cov kev tshaj tawm uas tsis xav tias yuav muaj hauv koj lub nplaus xawj li.



## Kev muag/yaav khoom lag luam thiab cov ntaub ntawv qiv nyiaj yam raug cai

Tej zaum koj paub txog cov ntaub ntawv txog tej khoom siv hais txog lub tuam txhab uas tsis tau muab nthuav tawm mus rau tag nrho cov neeg nqis peev li. Koj yaav tsis faib qhia qhov ntaub ntawv no los sis yaav los sis muag General Mills cov khoom lag luam los sis cov ntawv muaj nqis fab nyiaj txiag kom txog rau thaum cov ntaub ntawv no muaj siv tau rau zej tsoom paub lawm xwb. Yog tias koj paub txog cov ntaub ntawv uas tsis muab nthuav tawm tseem ceeb no hais txog lwm lub tuam txhab los ntawm koj txoj hauj lwm ntawm General Mills, koj tsis tuaj yeem faib qhia los sis yaav los sis muag lag luam nyiaj txiag ntawm lub tuam txhab ntawd kom txog thaum muab cov ntaub ntawv no nthuav tawm rau zej tsoom paub lawm xwb. Yeej ib txwm saib xyuas tej khoom, cov ntaub ntawv tsis nthuav tawm rau zej tsoom paub hais txog lub tuam txhab yam tsis pub lwm tus paub li. Puas muaj cov lus nug hais txog seb koj puas tuaj yeem yaav los sis muag tau lub tuam txhab qhov lag luam nyiaj txiag? Nrog koj tus thawj tswj xyuas hauj lwm tham los sis tiv tauj lub chaw hauj lwm saib xyuas Kev Cai Lij Choj.

 **Nyeem txoj cai:** Tus Neeg Paub Kev Lag Luam Sab Hauv Tuam Txhab

### Ua ntej koj ua lag luam

Cov lus teb rau cov nqe lus nug no tuaj yeem pab kom koj, koj tsev neeg, koj cov phooj ywg thiab lub tuam txhab tau txais kev pov thaiv los ntawm kev ua txhaum cai ntawm tus neeg paub kev lag luam sab hauv tuam txhab.

- Koj puas muaj cov xov xwm “tshiab-tshiab” hais txog lub tuam txhab los sis lwm cov tuam txhab (zoo los sis tsis zoo) uas tuaj yeem muaj feem cuam tshuam rau tus nqi kev lag luam nyiaj txiag thaum lawv tshaj tawm cov ntaub ntawv no lawm? YOG TIAS PAUB, tsis txhob faib qhia los sis ua luam.
- Koj puas muaj tej ntaub ntawv qhia ua ntej hais txog peb cov kev khwv tau hauv peb lub hlis twg los sis cov kev tshaj tawm tseem ceeb lwm qhov tom ntej no? YOG TIAS MUAJ, tsis txhob ua lag luam kom txog thaum tom qab ib hnub ua hauj lwm lawm uas peb tau tshaj tawm rau zej tsoom raws kev cai txog qhov ntaub ntawv no lawm xwb.
- Koj puas tsis paub tseeb seb lub tuam txhab cov xov xwm tseem ceeb no puas yog qhov ntaub ntawv tawm sab hauv tuam txhab tuaj? YOG TIAS YOG, tsis txhob faib qhia los sis ua lag luam, thiab sab laj nrog koj tus thawj tswj xyuas hauj lwm los sis lub chaw hauj lwm saib xyuas Kev Cai Lij Choj.

### Cov ntaub ntawv tseem ceeb uas tsis nthuav tawm rau zej tsoom yog ...

... cov ntaub ntawv uas yaav yog qhov tseem ceeb rau tus neeg nqis peev los txiav txim siab hais txog kev yaav los sis muag lub tuam txhab cov kev lag luam nyiaj txiag. Cov qauv piv txwv muaj xws li cov kev ua tau los fab nyiaj txiag, cov kev yaav tau los sis muag lub lag luam, cov kev hloov pauv fab thawj tswj hwm txheej siab, cov kev soj qab taug lw ntawm tsoom fvv, cov kev hloov pauv hauv cov neeg qhua yam tseem ceeb, thiab cov kev hu kom coj cov khoom lag luam rov qab. Tsis paub tseeb seb nws puas yog cov ntaub ntawv tseem ceeb? Tsis txhob faib qhia los sis ua lag luam, thiab sab laj nrog koj tus thawj tswj xyuas hauj lwm los sis lub chaw hauj lwm saib xyuas Kev Cai Lij Choj.

### Kev txawj ntse yog qhov tseem ceeb

Txawm tias koj tab tom npaj yaav los ua kev lag luam **ua ntej** koj yaav paub txog cov ntaub ntawv tseem ceeb, koj yaav tsis tuaj yeem ua tau qhov kev lag luam ntawd tau. Yog tias koj ua lag luam hauv lub tuam txhab qhov kev lag luam nyiaj txiag thaum uas koj txog cov ntaub ntawv tseem ceeb uas tsis tshaj tawm rau zej tsoom paub lawm, koj qhov kev lag luam yaav muab xam tias yog muab ua los ntawm cov ntaub ntawv sab hauv tuam txhab xwb — txawm tias cov ntaub ntawv ntawd tsis tau yog qhov txuam thawj tseeb tseem ceeb hauv qhov uas koj txiav txim siab yaav qhov kev lag luam ntawd los xij.

# UA QHOV YOG, HAIS TAWM



**Peb xav kom koj hais tawm yog tias muaj qee yam tsis raug lawm los sis koj muaj cov lus nug hais txog kev ua qhov yog.**

Koj muaj ntau cov peev txheej pab kom Hais Tawm.

## **Muaj kev sib tham**

Koj tus thawj tswj xyuas hauj lwm yuav yog qhov chaw zoo tshaj plaws uas yuav pib tau. Saib raws li koj li kev txhawj xeeb, txawm li cas los xij, tej zaum koj yuav xav tias kaj siab zog uas yuav nrog lwm tus neeg tham. Tsis tas li ntawd, koj kuj tuaj yeem tham nrog Feem Saib Xyuas Neeg Ua Hauj Lwm, tus kws lij choj ntawm General Mills los sis pab pawg saib xyuas Kev Ncaj Ncees thiab Kev Ua Raws Li Txoj Cai.

## **Xa daim ntawv tshaj qhia dhau ntawm Tus Xov Tooj Qhia Txog Kev Ncaj Ncees hauv vev xaib los sis hauv xov tooj**

Ib qhov kev pab cuam tshaj qhia ywj pheej ua tus saib xyuas Tus Xov Tooj Qhia Txog Kev Ncaj Ncees no. Yuav siv tau hauv 24 teev hauv ib hnuv, 7 hnuv hauv ib lub lim tiam, hauv qhov chaw twg los tau thooob ntiaj teb thiab siv tau ntau hom lus. Koj tuaj yeem xaiv tsis qhia npe los tau.

Koj tuaj yeem xaiv hu tus xov tooj hu dawb los sis siv lub vev xaib los xa koj daim ntawv tshaj qhia tau. Yog xaiv tau daim ntawv teev txog cov nab npawb xov tooj hu dawb saib raws teb chaws — los sis xav xa daim ntawv tshaj qhia hauv lub vev xaib — mus rau [generalmillsethics.com](http://generalmillsethics.com).

## **Koj tsis tas yuav tsum paub meej mam ua daim ntawv tshaj qhia**

Qee lub sij hawm, cov neeg ua hauj lwm xav tias seb nws puas yuav ua li cas los tshaj qhia txog kev txhawj xeeb thaum lawv tsis muaj cov txuam thawj tseeb tag nrho li. Lawv txhawj tias lawv yuav muaj teeb meem hais txog kev tham txog kev txhawj xeeb ntawd, los sis lawv txhawj tias lawv yuav ua rau lwm tus lub koob lub npe puas tsuaj. Thiab yog tias koj yog tus thawj tswj xyuas hauj lwm, tej zaum koj yuav xav txog txoj hauv kev yuav teb zoo tshaj plaws rau qhov kev txhawj xeeb uas ib tug neeg twg tham rau koj. Koj tsis tas yuav ua kev soj qab taug lw ua ntej koj yuav tiv tauj peb. Peb yuav soj qab taug lw txog cov kev txhawj xeeb uas koj hais tawm ntawd. Peb yuav ua tib zoo saib thaum peb yuav saib txog kev ua tsis yog uas raug iab liam ntawd kom paub meej tias lub koob lub npe ntawm cov neeg ua hauj lwm uas muaj feem cuam tshuam tau txais kev pov thawv. Muaj kev ua cov kev soj qab taug lw hauv txoj hauv kev uas muaj hom phiav, ncaj ncees thiab tsis pub lwm tus paub.

## Xav tias yuav muaj dab tsi thaum koj siv Tus Xov Tooj Qhia Txog Kev Ncaj Ncees

Yog tias koj hu mus rau tus nab npawb xov tooj hu dawb, tus neeg sawv cev yuav nug koj cov nqe lus nug thiab sau kom tiav qhov kev tshaj qhia uas sawv cev rau koj. Yog tias koj xa daim ntawv tshaj qhia hauv online, daim foos hauv vev xaib yuav ceeb toom qhia koj ua ke nrog cov lus nug los pab koj faib qhia koj qhov kev txhawj xeeb.

Koj yuav tsim tus phav xab vawj. Lub lab npauv yuav tsim ib tug zauv txog kev tshaj qhia. Sau koj tus phav xab vawj thiab tus zauv kev tshaj qhia cia — koj yuav yog tib leeg uas paub txog qhov ntaub ntawv no. Siv lawv los mus kuaj xyuas qhov txheej xwm ntawm koj daim ntawv tshaj qhia.

## Soj qab xyuas koj qhov kev txhawj xeeb

Yog tias koj tab tom nug ib nqe lus nug, ib tug tswv cuab ntawm pab pawg Kev Coj Raws Txoj Cai thiab Kev Ua Raws Li Txoj Cai yuav teb rau koj.

Yog tias koj tab tom tshaj qhia txog kev coj tsis zoo uas yuav tshwm sim, nws yuav tau txais kev tshuaj xyuas. Chaw Saib Xyuas Kev Ncaj Ncees thiab Kev Ua Raws Li Txoj Cai yuav ua hauj lwm nrog Feem Saib Xyuas Neeg Ua Hauj Lwm, Chaw Saib Xyuas Kev Ruaj Ntseg Thoob Ntuj thiab Kev Tshuaj Xyuas Sab Hauv Tuam Txhab Thoob Ntuj los soj qab taug lw txog koj qhov kev txhawj xeeb. Tej zaum koj yuav xav tau ntaub ntawv qhia paub ntxiv los pab rau kev soj qab taug lw. Koj tuaj yeem siv Tus Xov Tooj Qhia Txog Kev Ncaj Ncees los kuaj xyuas koj daim ntawv tshaj qhia. Tag nrho cov ntaub ntawv qhia paub uas koj muab yuav tau txais kev saib xyuas yam tsis pub lwm tus paub li. Yog tias koj tau tshaj qhia uas tsis qhia npe, koj tuaj yeem nug cov lus nug los ntawm Tus Xov Tooj Qhia Txog Kev Ncaj Ncees thiab koj tuaj yeem siv lub lab npauv los teb thiab tsis qhia npe mus ntxiv los tau.


## Kev hais daws koj cov kev txhawj xeeb

Lub Chaw Saib Xyuas Kev Ncaj Ncees thiab Kev Ua Raws Li Txoj Cai yuav siv Tus Xov Tooj Qhia Txog Kev Ncaj Ncees los lees paub txog koj daim ntawv tshaj qhia thiab teev tseg seb qhov kev soj qab taug lw yuav ua tiav thaum twg. Vim rau qhov muaj cov laj thawj hauv fab ntaub ntawv tsis pub lwm tus paub thiab kev ceev ntiag tug ntawm tus neeg ua hauj lwm, peb yuav tsis muaj peev xwm faib qhia tej ntaub ntawv qhia paub txog cov kev tshawb nrhiav tau kawg nkaus ntawm kev soj qab taug lw.





# Yuav muaj dab tsi tshwm sim thaum hais tawm txog kev txhawj xeeb txog kev coj raws cai hauv chaw hauj lwm?



## Txwv tsis pub muaj kev ua pauj

Txhawm rau tswj peb li kab lij kev cai txog fab kev coj raug cai, General Mills yuav ua kom paub tseeb hais tias cov neeg ua hauj lwm muaj txhua txoj hauv kev uas tuaj yeem hais tawm tau. Lub tuam txhab yuav tsis ua pauj koj — los sis tsis tso cai cia kom ua pauj — txog kev hais tawm hais txog kev coj ua los sis tus cwj pwm hauv kev lag luam uas ntxim xoom xaim.

## Qhov kev ua pauj yuav zoo li cas

Kev ua pauj, thiab kev ntaus nqi txog kev ua pauj, tuaj yeem muaj tau ntau hom. Txwv tsis pub muaj tag nrho txhua hom kev ua pauj li. Cov kev nqis tes ua uas tuaj yeem muab xam tias yog kev ua paj suav muaj cov kev nqis tes ua tsis zoo txog kev ntiav hauj lwm ncaj qha xws li kev tshem tawm hauj lwm los sis kev pauv mus kom tsis zoo li qub, tus cwj pwm kev sib hwm, xws li kev thab, kev thab plaub, los sis muab cais tawm ntawm cov xwm txheej hauv chaw hauj lwm, cov kev lom zem los sis cov kev sib tham. Tiv tauj Chaw Hauj Lwm Saib Xyuas Kev Ncaj Ncees thiab Kev Ua Raws Li Txoj Cai los sis Tus Xov Tooj Qhia Txog Kev Ncaj Ncees yog tias koj xoom xaim tias muaj kev ua pauj.



General Mills pab pawg saib xyuas Kev Ncaj Ncees thiab Kev Ua Raws Li Txoj Cai ua thawj coj los ntawm peb Tus Kws Sab Laj Dav Thoob Plaws. Chaw Hauj Lwm Saib Xyuas Kev Ncaj Ncees thiab Kev Ua Raws Li Txoj Cai muaj lub luag hauj lwm txog kev tsim kev paub zoo hais txog kev ncaj ncees thiab kev ua raws txoj cai thoob plaws lub tuam txhab. Cov neeg ua hauj lwm hauv pab pawg saib xyuas Kev Ncaj Ncees thiab Kev Ua Raws Li Txoj Cai tuaj yeem pab koj kom nkag siab cov cai thiab txoj kev cai lij choj. Tsis tas li ntawd, lawv kuj tuaj yeem pab koj saib xyuas cov kev txiav txim siab tsis zoo raws li siab nyiam hais txog txoj kev ntseeg uas tus kheej coj zoo raws li txoj cai. Koj tuaj yeem tiv tauj tau lawv los ntawm kev hu rau **763-764-6693** los sis xa email rau [ethics@genmills.com](mailto:ethics@genmills.com).